

東樂軒詩集序

詩者心之聲也而行之符也心莊而後情
情勰而後氣和氣和而後聲諧聲諧而後詩
作尚古之音大和細縕天籟自鳴渾厚融溢
可與可風盛唐以還根莖充頰而華實自茂
嗣是雕飾模擬猶之燕山之石玉焰也火之
斯燼非夫人之作詩詩之作於人也東樂軒
詩集

明弋陽端惠王所作

嗣王為長子時錄而藏焉者也

端惠王

高皇帝七代孫正德間逆濠作亂支裔免誅得全幾千指茨然毳衣之無領也

皇上御極特命賢董之得

王授璽書龜章以承

藩祀掌理府事時孽毒甫靖衆心震渙而統紀未定維

王祇祇

新命攄忠竭謨禮以矩之睦以聯之靜以鎮之謙以撫之信以孚之三十年典章明而府事治恩義洽而昭穆序因是累膺

嘉獎屹然

宗室一帶城翰也夫行醇則其言自中養厚則其文以蔚是集也有六懿於禱頌見忠愛之篤焉於懷感見孝享之謙焉於賡唱見雍睦之周焉於贈寄見親賢之廣焉品題見游衍之度焉悼憶見懔懼之切焉夫締章繪句恒

得之窮思玄覽

王出

天潢荷重任邁多事寬綽卓逸有學士騷客所弗逮謂其天授神會非與漢諸侯王稱賢者曰河間德曰東平蒼曰淮南安曰沛輔其對三雍論五經上中興之頌作離騷之傳要本忠孝謙惠禮賢樂善為之也

王賢王也文行彪炳是集其緒餘槩也已後之稱

王將無出漢四人下哉是故存而履之是謂德業敷而訓之是謂德音子曰言有物而行有格也是故志名不可奪邦家馮之賢聲其允終詩云詩云格律云乎哉

賜進士出身中憲大夫前太常寺少卿翰林侍講

經筵講官校正

國史廬陵胡經謹撰于尋樂園



登記號 004890

類號

類別

全書 函 二册

東樂軒詩目錄

一卷

五言古詩

三十三首

二卷

五言律詩

一百四十七首

三卷

五言律詩

東樂軒詩集卷一

三

國家圖書館, NATIONAL CENTRAL LIBRARY, TAIWAN, R.O.C.

目錄
一百四十七首

四卷

七言律詩

八十首

五卷

七言律詩

六十五首

六卷

五言絕句

五十四首

七言絕句

二百二十首

目錄終

國家圖書館, NATIONAL CENTRAL LIBRARY, TAIWAN, P.O.C.

東樂軒詩集卷之一

皇明管理府事弋陽端惠王醒齋著

五言古詩

賦

大明中興一首

戊戌年進呈

聖主膺昌運

皇天祐

大明萬邦歸

東坡集卷之三
至化一統仰

中興

赫赫乾剛振

魏魏帝德弘

享親昭達孝

尊祖愜輿情

隆養娛

慈極

明章肅

內庭

顯揚王者道

繼述聖人能

耕籍開西苑

親蠶御北城

四郊嚴舊祀

九廟賀新成

禮樂光前制

神人協巨靈

東坡集卷二
主張勤

上帝贊理藉春卿

發政起三代

敦親篤九經

孝文存古典

平獄在民生

幸學儒流寵

臨軒士類真

酬功官懋裔

舉墜錄群英冠服圖經備陶匏製度精

作箴垂

聖學

禱雨濟黎民

日講開文殿

時脩謁

祖陵

萬機惟

獨斷

大祀每

躬行

罷獵鷹房撤

嚴宸虎陛增華夷方納款江漢不言兵磐石

山河固

中天日月明至和申感格庶類侈休禎甘露

乘時降嘉禾應歲登卿雲垂

寶殿靈雪兆

神京白鳥來三瑞黃河見兩清

龍圖彰

景貺

麟趾耀

前星

黃閣絲綸美

青宮喜慶徵

福期天與久

壽仰日方升

聖德乾坤壯臣功帶礪盟商湯元濬哲伊陟分

忠誠武備三邊靖文敷四海寧芻蕘圖

獻頌

神化本難名

玄極尊千古

鴻基肇萬齡宗臣忻際遇舞

賀昇平

恭和

御次

宣宗仁皇帝

祖德詩九首

洪惟我

太祖肇統何於赫應

天而順人

神武祛戎狄善慶泝其源

德

懿

熙

仁積景命允在茲瑤圖賴以闢

皇天本無親輔之惟在德乃眷

聖祖生秉心素淵塞身教敦彛倫力本寶民稽
大化溥華夷遠邇飫

天澤

胡元運既衰

帝心究所適

成湯降不遲自勵益精白江漢與秋陽豈但如
金錫光被八表中在在仰

皇紀

推結政日隳土壤紛離析黎庶無寧居豨虺
肆吞螫

真人揚義兵所向免墊溺前徒悉倒戈攻於後
以北

皇風穆穆清元穢一湔滌六政重宣明三綱復
整飭

功德超百王偉矣

大聖績海嶽齊効靈蒼生藉安息

制禮正天王備樂尊

東坡集卷一
宗祐立法貽孫謀

祖訓垂烏奕昭茲萬世程允矣百工職

德化動遐荒

明庭來鞮譯

祖德與天同民物皆所惻

垂衣治四方長日舒化國旄鉞推以誠藻玉懷

其惕風雲翕相從

主聖而臣直

天佑我

皇家火德啓惠迪金城紫氣浮玉璣黃流溢六

合煥龍圖萬年符鳳曆水木思本源商周基

契稷

九重端拱餘蚤夜謹天勅

聖神文武俱巍然萬邦式

功德難名言圖報莫與力拜釐芻蕘言用申其

匪斁

承

賜書集

聖皇篤親親龍章遠

頒賜

天語動群心文光炫丹陛表揚忠孝情昭示

君臣義已際

明良時會見雍熙治登拜荷

殊恩拳拳思所自莊頌復珍藏江藩傳百世

丙申七月十九日建醮道士召鶴有應

賦此

道人能召鶴燒符上南嶽符去鶴飛來頃刻

殊不錯三五旋中天昭然露頂脚和鳴協神
人翱翔鷲鷲鸞丹霄鳳與俱靈潭蛟未若絳
節朝天真瑤臺奏仙樂心傳固得真感應亦
已恪酬

恩幸有徵紀實可無作

和張蒙谿過東樂軒韻

秋館延新霽使旌駐夕陽喜君承

帝渥媿我創

天潢習靜幾成癖搗謙信有光賞心勞鶴駕藻

思爛霞章雲水遙相漾芝蘭幽共芳雅歌臨
曲檻小飲集深堂露重花停戶風回竹覆墻
行當鳳池上珮履聽鏗鏘

題小景送胡少參進表

蓬萊居海嶠縹緲聚真仙瑤草春風滿蟠桃
瑞日鮮脩丹頰濟世跨鶴遠朝天擬獻千秋
鑑仍馳萬壽篇翱翔

金闕下蒲韞

玉皇前翊

聖名無忝匡時志益堅

九重明日月萬里淨烽烟况復 垂衣候華夷

已晏然

己亥七月二十日齋居柬二司

清晨禮北極翹首瞻天涯

慈宮在千里神速由一時我心敢弗虔天意諒
匪違倘能舒

聖念豈不蘇民疲愛民無保國實惟良有司自
顧德菲薄臨軒慚何為丹誠既共竭感應終

疾隨

送唐西州侍郎歸

昔君南海來遺我明月珠今復南海去獨完
千金驅千金馳白日明珠照玉壺願言各相
保光輝終不渝

寄百潭子

迢迢江漢水阻我木蘭舟雲樹幾千里空懷
黃鶴樓樓中有仙子高興誰能儔醉舞天地
窄長吟蛟蜃愁何時跨黃鶴直上五雲樓

謾興

乘月入幽戶芬然蘭芷香簾櫳隔深座瑤琴
橫素床顏色未可窺心事何由將但聞理新
調錯亂如宮商欲返復躊躇雲露沾衣裳秋
風妬紈扇野水羞鴛鴦感激少年意徒熱終
宵腸花飛蝶自少不見理之常咫尺若千里
徘徊空下堂

南山重會

霽日明仙苑華筵近壽岑天開黃道迥綵結

東坡集卷一
紫樓深賦就輝三極觴行侑八音雅宜文字
會未許俗塵侵雨後苔波淨風前竹樹森禮
隆雙蜀幣義重萬南金棠棣情何已柝源思
莫禁高壺驚妙箭劇飲壯豪吟中侍嚴清禁
佳人拂素琴寒生霜菊晚月轉畫橋陰膾薦
金尊倒香殘玉漏沉百年真樂地兩度喜冬
臨劍珮依星斗山河閱古今紫薇高可望青
石渺難尋仰止雲厓上貞松共此心

擇居

山水性素癖
器塵非所居
茫茫天壤間
無處着吾廬
我廬非不廣
我意非不舒
惟與麀器
隣而非心
所如我居
不可移
氛侵當自除

午日哭弟竹溪

去年會此日
兄弟權傳觴
今日獨遺我
嗟汝向何方
汝逝不再返
我思何其長
浮雲蔽白日
華屋生淒涼
朝見步庭除
暮已祠衣裳
人生固有數
天道何無常
脩竹起悲風
寒影搖方塘
有書將誰讀
有草對誰芳
富貴此而已

浮生夢一場我非兒女行不為兒女傷徘徊
心若狂長歌銘旌傍歌罷雨如注天地慘無
光

哭弟梅谷

我弟生不辰誰知死亦苦八歲父王薨十二
喪其母嚴背賴慈育慈失竟誰撫干戈擾攘
中依棲無定所及長事詩書日與

聖賢伍手足情正濃柰何天間阻七月暑為災
一疾終莫愈長眠呼不醒遊魂渺何許春雪
杳音容利刃剝肺腑既已短其年又何絕其
子痛哉復痛哉此情向誰語棠棣與鶴鷄義
氣無今古歌罷思弗堪臨風淚如雨

題竹山

匡廬大江外遙瞻雲霧多五老不受呼長日
居烟蘿下有學仙人自嘯還自歌十年不上
山種竹今如何

蚕婦

東隣有蚕婦採桑復採桑桑葉正青青婦心

益皇皇惟恐蚤日老猶慮風雨妨清晨往長
陌相呼携素筐饑渴罔暇恤蓬跣俱相忘一
朝結成繭繅理何其忙徵求况復急胥吏未
成行生理日以促鬻子輸官糧何如西家女
束手倚門墻綺羅遍身着金翠盈頭粧不為
識者羞良為世道傷桺杏固多媚幽蘭空自
芳勿以論苦樂人生貴網常

後園朽桺復開俄遭風雨有感

憶昔爾開時當春逞艷姿一朝被風雨顏色

俱離披豈但摧枝葉由此傷根基歲月既已
逝凋零誰復窺倘然蒙春澤輝光生故枝感此
造物心不以衰朽遺何事遂頃刻花片飛盈
池忽開固爾伴隨落良可悲應憐輕薄子老
至胡不思

謝李東涯送紫石硯白石磬英山石

子從海上来携有蓬萊石贈我各一枚紫白
青三色扣之清若金揮之瑩如璧染墨起雲
烟登簏協音律置諸屏几間矯矯鳳舒翼大

用已在茲小軒况無得寄語謝相知補天當
自戢

獨坐

靜對墻花紅閒依屏竹翠風送幽蘭香紡紉
故人至香消仍寂寥感我遊春意自咲還自
憐花空蝶飛去

廖東零縣尹孺人挽卷

雲度湘江陰鶻啼春夢深逝者不可挽聞之
徒傷心貞松憶短壑零露悲脩林花下鼓瑤

瑟百歲誰知音

憶君山

有客洞庭至貽我君山圖千巖競竒秀一水
如平鋪叢林開古寺絕壁迴脩途泉落空山
響雲飛疊嶂孤鼎成龍既遠仙與鶴還無湘
祠映方竹柳井迷深蒲縹緲烟霞國微茫雲
水都天開真勝境地湧小蓬壺瞻依心已切
題品與非殊跡繫憐匏似名高仰日俱懷之
不可往撫卷空曙躑何時承

帝旨跨鶴一攀躋

弟挂泉圖

誰說牡丹園春來車馬諠秋山有泉桂雅稱
讀書軒玉泝寒光淨金枝秀色繁白頭吾與
汝對此日盤桓

送陳茶山少叅

送君之東南徘徊立薰風棹歌發明月劍氣
凌長空蟻尊聊致飲鵬程惜難從雨露日以
廣雲山思何窮願言闡勲業盛譽追瓊交龍

壽兄白黃菊泉圖

靈源發丹谷芳菊滋澄波冷冷谷中泉飲之
能壽多托此祝脩齡繪圖還載歌懸之百壽
堂金石同不磨

謁澹臺墓

城東古賢祠軒豁壯宏規乘閑試一過正值
春初時和風動騎袂麗日耀旌旗下拜祠中
賢景仰起遐思道學有淵源友教敦網維從
行三百士寧知險與夷聲譽遍諸侯嘉嘆感

宗師生遊即葬地吾道良可悲徐蘇逐後塵
肥遁亦於茲烟波雲水間相將足自持有亭
映湖光有木庇豐碑秉彝好德同萬古當如
斯

東樂軒詩集卷之一終

東樂軒詩集卷之二

皇明管理府事弋陽端惠王醒齋著

五言律詩

讀方棠陵稿有懷

坐對一檠燈翻書思愈增
三春無過鴈萬里有飛鵬
毛鳩非花鳩棠陵即少陵
別來秋自杪空睇暮烟凝

送葉中丞

貴南新豸繡淮北舊簪纓
節愛收民望忠勤

簡

帝心江流清徹底棠樹綠成陰萬里炎蒸靖應
為天下霖

送秦運使

春風吹棹發望望似登仙淳政民俱感離情
我獨牽洪湍歸大海明月滿前川
國課能令足訓功見九遷

與涂東潭御史飲東樂軒次韻

池亭開小宴風雨動幽情妙舞翻紅袖清歌

帝臨

飲叔桂軒府

冬日如春暖華筵向曉開文星聚緹室仙吹
響瑤臺促漏頻燒燭呼盧不計杯流連坐深
夜沉醉竟忘回

悼費鶯湖閣老

承宣纔入相報訃忽仙遊丹冷黃金鼎文徵
白玉樓愛賢遺薦疏經國負嘉猷營建日
多事誰當

東坡詩集卷之三
社稷憂

寄胡鹿崖

江門瞻月色寒影動遐思
簪盞知何日神交
定此時雙鳧仙苑外
孤節楚天涯會得澄清
意行看大有為

九廟慶成遣官入賀

太祖功垂世

今皇孝格天禮成隆大本事述
鑒遺編玄璧遙
懷切丹衷仰達虔輿情何以慰
四海望曲呈年

走王觥到渠秋水活籠竹晚烟
輕幸得高軒
過相看眼倍明

與張餘峰工部飲寶香亭

僻徑秋初靜虛亭午正晴
喜君文旆過令我
俗懷清藻思紛華簡雲容深碧弘
更憐明日
別杯酒重含情

送方益齋都司之建寧

風霜誼鼓吹嶺海連旌旗

天子恩波潤將軍韜略竒
華夷安服地尊俎燕

閑時行見龍山上橫戈日賦詩

送李愚谷司業之南京

江國流聲教巖廊著令名
喜看白玉節遙指
紫金城冬暖江梅早
風清綵鷁輕瞻之不可
及聊此馮離情

冬至早朝

一陽回天地萬國動
懽心綵仗嚴儀衛
沉烟
靄禁林銀潢橫
漢淺玉漏度花深
遙憶天壇
上千官仰

夢遊白鹿洞次朱鶴坡御史韻二首

勝遊夙昔志十里夢中行
跨鶴玄冥杳披雲
夜氣清道宗雲谷派
詩繼謫仙情倚杖憑高
處紅輪忽又生

草迷眠鹿地雲護讀書臺
終古靈群集深春
我獨來乾坤無剩景
林壑有遺才悵望憐時
晚停驂且酌盃

東樂軒成志喜四首

祖德開昌運

皇仁重本支仙源饒夢澤江國奠藩基郁郁周
文盛堂堂孔訓垂進脩如不力何以答

明時

學也須求靜卜築城之東幽邃謝塵鞅渾成
由化工清風生泮綠初日上窓紅我與二三
子詠遊恒此中

境僻塵囂外神遊太極初風花天趣合雲水
道情迂得意觀魚躍忘言究馬圖自甘為善
樂不是愛吾廬

重城佳氣靄吉旦小堂開祇率欽

宸翰賡歌集俊才采芹申舊業叢桂喜新培斯
道期無負源源繼後來

賞花

月華明綺席香篆裊彫盤深禁人初靜豪吟
興未闌酒酣還醒易春去欲留難愛此厭厭
飲何妨秉燭看

冬夜二首

重帷寒不到深禁漏仍遲坐落梅花月吟成

東坡詩集卷之五
五
白雪詞栖鴉驚火
殘菊著霜歌忽聽城頭
角悠悠動遠思

擁衾不成寐起坐數長更近戶星河淡凌霜
敲角清橫窓梅有趣破夢鶴無情燈報明朝
喜開花落短檠

賜醫士竹溪

種杏有餘地還栽竹幾竿清風撐古節明月
印深寒但得四時趣何須千畝寬本非桃李
質未許俗人看

冬至

寒日經南至霜梅俟暖開物情憐歲暮吾道
喜陽回刺繡方添線書雲欲上臺時光似流
水轉眼又春來

斗槎歸鄱

歲晚清江上仙槎去莫留時光同水逝吾道
與天流採藥經芝嶠看雲卧石樓梅花對樽
酒難破別離愁

冬雨

競風不成雪洒屋作空寒蕭疎妬梅蕊激烈
資江湍玉樹烟棲斷冰花鳥啄殘更憐千里
客孤棹下危灘

答母舅吳寒泉通判

極目湖山渺關情歲月深書煩勞遠念誼重
比良金誰悟長生術吾道敬一歲會期忻有
約聊慰倚樓心

營造喜晴次韻

欽依成小創靈貺叶九占秀氣鍾千載晴光

普八埏風和回凍早梅暖得春先覆載知多
感乾乾仰北天

除夕

爆竹驚殘夜燒燈照醉顏雨聲催臘盡梅蕊
報春還歲月流如水

君恩重若山一年忙裏度無補愧疎頑

元旦

帝座三天迥嵩呼萬國同乾坤開泰運人物被
光風旌燎旌旗外仙韶禁苑中千官齊望

闕稽首拜

重瞳

贈李都閩用寒村韻

萬騎若屯雲少年得令聞已知勤不怠况復
武能文日麗消蠻瘴鷹揚落鴈群喜君直後
逸誰說鮑參軍

送胡鹿厓

使節擁青雲春江傍晚行幾年深見愛此日
若為情碧落台星炫高梧彩鳳鳴如何酬

帝德海宇早澄清

送蘇寒村

送客江之湄笑折梅花枝寓我河梁意照君
冰雪姿

神京看日近仙舫傍春移雲程進以漸事業追
臯瓊爰

送吳忍菴侍郎赴南臺

離筵明霽日江閣照梅花酒盡情難已帆開
望轉賒五雲回鳳闕孤節起龍沙深夜占台

東坡先生集 卷一
候文光耀海涯

兄虛白府觀燈

赴約水雲鄉觀燈虛白堂題詩憐俗吏供酒
厭紅粧琥珀迎春色玻璃逼夜光主人情正
洽其柰客歸忙

嚴介谿尚書見過

春城遙駐節晴園共看花旭日留芳座天風
動斗槎一尊情未已四海念何加行矣登台
鼎調元近

翠華

雨中簡寒泉舅

片雲帶細雨連日作春陰水積苔除滑寒衝
竹院深馬停千里足鶴倦九臯心試問看花
客何時到上林

送孔西泉二尹

聖派千年衍仙才百里居馬飛春漲渺琴響
月堂虛督賦之京國看花過邸廬金陵暫時
別相慰不須書

見屏卷

山水東南麗蒼屏景更奇雲霞通海嶠樓閣
憑天涯泉灑風迴急梧深鳳起遲百年瞻對
處知汝有深思

寄李東涯都閩

清風吹海岱旭日照蓬萊虎豹重關迴芙蓉
曉帳開波光消蜃氣草色淨氛埃尊俎從容
日看書不下臺

春居三首

花發幽亭晚簾垂竹院深賞春須命酒待月
更彈琴樂事常如意閑愁不繫心眼前無限
景次第倚闌吟

蔬圃通松徑雲蘿隱石門塵襟當此釋幽意
復誰論酌酒吞花片吹簫卧竹根園亭有餘
樂何必望蓬瀛

薄暮池亭上徘徊逸興長水雲涵霽色桃李
媚春光愛月延芳座催花縱雨觴夜深絃管
急驚起睡鴛鴦

東坡集卷三
寄刑部孫負外

秋堂深檜栢春水亂縈蕪別久情難已長吟
興不孤

恩承丹鳳闕意適紫薇園料得公餘日看花到
玉壺

母妃忌辰

忌日近清明令人百感生杜鵑啼不住黃鶯
夢難成雲想仙衣色風驚宰木聲松林積雨
候薄奠遣官行

集松見過

不見蓮峰子十年勞我思偶來花下酌况值
春暮時霽月對顏色仙丹留水湄芙蓉若可
採共約登天池

城上有絃歌而導遊者

九里春城近周巡一日還鳴笳導寶馬載酒
擲金錢遊子不聞禮塵居空望仙東行有書
閣終日惟端然

蘇公亭

東坡集卷之三
曲徑通湖上孤亭立水中可憐蘿蔓鳥空叫
萱花風板築何多事巖棲只此翁百年祠短
褐瞻仰意無窮

孺子亭

孺子祠前路春深碧草長開門尋古碣立馬
對斜陽道本徵君重於時黨錮傷乾坤崇世
教千古一鑪香

澹臺墓

湖東古賢墓春日偶相尋徑僻行人少堂虛

樹色深陵谷有遷變文章無古今再拜感友
教千載誰同心

寄題蓮峰草堂

石門居不遠何事我遊難日照蓮花碧天垂
瀑布寒買舟閑美月尋磬靜燒丹千古廬山
下仙賢取次看

馮南江御史戍廣南

聞說舟南上驅馳不可留遠經三阻地寒憶
五雲樓琴鶴聊隨去山川得暫遊人生貴行

志此外復何求

送李把總北上

將軍乘碧漲，搥鼓發樓船。
共道邊烽靜，誰知國計先。
倚天霜滿劍，對酒月聯篇。
更憶江亭上，論文淹壯年。

雨中謾興

亭花經宿雨，紅壓杜鵑枝。
春盡寒仍在，心閑老更遲。
烟霞遊深谷，脂粉厭新詞。
何日招仙侶，棲雲學茹芝。

讀鄭少公詩有感

不見鄭少公，空懷孫大初。
江湖春荏苒，風雨夜蕭疎。
道在天何靳，才高命未如。
斯文一掬淚，難洒到泉墟。

謝蔣百潭參議惠石屏

衡山雲一片，千里忽飛來。
不雨常涵潤，如冰絕點埃。
照人毛骨爽，對我畫圖開。
永伴松齋硯，清光燭上台。

謾興

東坡集卷之三
被酒發豪興午夜登高樓下坐星河轉長吟
江漢流神仙若可望富貴真何求嗟彼樊籠
者居然媿白鷗

初夏

白日不到地滿院松陰多幽然謝春事偶爾
見新荷團扇離秋篔簹鳴蜩抱夕柯重華去千
古誰復南風歌

送客歸閩

千里閩江路孤帆六月行灘迴暑雨急野濶

烟蕪平渺渺青燈思悠悠白髮情感時憐子
別忍聽暮蟬鳴

送張子守歸上海

江館青燈夜吳雲碧海心相逢懽未已言別
思難禁星斗天涯動蘼蕪野水深到家茲多
日寄我紫薇吟

胡家鳴鳳圖

朝日明丹穴秋霜淨碧梧德符王者瑞文比
聖之謨昔見巢阿閣今看入畫圖吾家有龍

東坡集卷三
種合並九苞雛

贈朱雲谿太守

赤水通滄海青雲接鳳池
早膺千里寄深愛
九重知禱雨夜懷璧遊山
春賦詩瑞陽域上碣
他日紀民思

秦嶼湖巡撫生日

金風開栢府玉節照璠樾
天上台星近人間
壽嶽高愛民兼有教為國
不辭勞備美真良
弼千年輔

帝堯

寄涂東潭御史

五雲迎仙仗遙聞駐海濱
已看紅日近未復
白鷗親歲月悲長坂鶯花
感暮春重逢定何
日千里獨馳神

汪理問瑞萱卷

靈石涵秋碧晴光發曉紅
北堂千里外綵服
五雲中瑞紀情真慰芳流
道愈崇百年蘭桂
地同樂壽無窮

用韻答翁龍谷教授惠海味鮮荔

江國重陽近涼風起暮葦黃花猶不見丹荔
忽然來沆瀣仙家味賡歌治世才相逢期未
卜懷抱幾時開

送張南溟山西布政

世路分南北人情繫去留子乘天上鶴我倚
水邊樓雲鶴膺新命江城動杪秋平生知感
意於此若為酬

斗槎歸

踈雨鳴江閣孤帆動夕陰仙踪隨鶴遠別思
向秋深混俗須頻醉頽神戒苦吟梅花溪上
約莫負歲寒心

送張南溟

丹幄留燈夜芳舟載酒時忍看江上鴈愁把
菊花枝秋水日相照客衣風自吹重逢定何
日梅發以為期

送唐琴溪序班

江國芙蓉淨仙岩水石奇一年聞兩過始見

忍相離晴日留春圃霜花侑壽卮料應千里
思常繞

玉龍墀

送歐石江都憲

江鄉傾蓋晚晴日慰花深命下催雙節詩留
抵萬金碧波傷浩渺紅樹入蕭森雲路登須
急蒼生正望霖

送胡前岡侍講

紫禁龍呈瑞江城梅報春

恩隆藩國典禮命玉堂人驛路黃華遠昌期景
運新文光高北斗行看掌絲綸

寶香亭對雪三首

愛雪不知寒登臺看暮山空泉凍欲滴饑鳥
去復還郊水回山棹秦人扣楚關感時懷往
事此際定誰開

間身居妙境對雪自長吟老我黃金甕還誰
白玉林盈盈流月色綠綠散波心深夜臨池
上梅花未易尋

貂裘還自擁看雪上高臺款步臨波檻長吟
對酒盃乾坤真凍合林木總傾頽簷外雙松
樹高高未易摧

讀徐少湖洗馬寄子陵武穆傳二首

未識桐廬路先知高士心秋鴻萬里渺春水
一江深名節留天地山川重古今釣臺瞻莫
及空對雨花吟
短榻留燈夜長篇慰雨時精誠讀碑記紛紜
見威儀直道讒夫忌孤忠大吏知西湖有祠

字慷慨不須悲

毛束塘尚書起征安南以服未入城詩
以候之

鼓角諠風雨清江四月寒遠征蠻國易獨見
故人難佳刺勞頻惠幽花祇自看關河千里
別為國強加飡

寄張餘峰

此日逢多事相思各一方湖山留使節雲水
阻江鄉仙子遺踪渺司空逸興長幾勞千里

東坡集 卷三
外寄我採芝章

郭勿齋檢討寓石亭寺

古寺臨江靜石門長日開山河園故國風雨
駐真才惜別花偏發相留歲獨催何時江上
節重照竹間杯

翁龍谷道經章江

三山龍谷子有志天下遊廣文未足擬子長
真其流採藥度滄海看雲卧竹樓媿我不可
及此日居江洲

送郭翰林還京

南風吹玉節渺渺望京華及第初膺命承權
已過家紫霄

龍康近碧海蜃樓餘際此明良日登瀛意獨嘉
寄程初亭御史四首

五陵駿馬客身獨比南金日月催華髮風霜
壯赤心救荒時論切愛國隱憂深自到行
臺後空瞻雙栢林

遼海風塵隔音書歲月違偶來津上報獨慰

暑中思計日迎驄馬開軒歌竹枝萍踪散復
聚相見各淒其

皎皎川上月輝輝波映珠珠輝川自媚月皎
夜何孤偶然蔽浮雲川失珠無虞君子貴所
適貞素誰能污

海上梧桐樹十年棲鳳凰雲霞自縹緲燕雀
空翱翔江漢有深意日月無私光乘時忽飛
起依舊鳴朝陽

贈兄白賁

孝友本天性躬行人所難不以財物貴惟欲
兄弟懽薛包義既篤牛弼心終安吾家有若
人作範千年看

冬日即事次叔樵雲四首

旭日臨池上寒光動水心避人魚躍藻哺子
鶴窺林聽鳥還停步探梅不撥吟自慚被軒
冕羈縛到如今

濠東松竹境居我十年餘為國酬無策傳
家賜有書繞亭霜菊淨照水野梅疎萬籟此

中寂乾坤一室虛

客散亂燈火松明生暮烟霜寒地欲凍亭敞
月初圓罷舞淹深夕狂歌樂壯年梅花伴吟
笑不寐興悠然

小憇來晴圃看花已暮冬梅含雪照酒歌振
鶴翻松麟閣真誰入蝸居聊自容平生踈懶
性不與衆人同

久雨

入夏晝常昏淹人雨何急端居日似年平地

波盈尺素食我無功補天誰有術安得如東
風掃雲見紅日

送李東涯都閩北行

嶺海三年別旌旗五月回入門各傾倒對酒
空徘徊望

闕丹心切迎薰虎帳開行看霄漢上仗鉞展雄
才

嘉靖丁酉六月二十一日宜春桂軒叔
以三白鸚鵡來惠誠百年之所未見者

一旦得之豈非

國家之瑞乎詩以記之凡三首

聖主中興日禎祥迭見時兩間和氣塞三瑞羽

毛竒擬頌符龍讖鳴聲協鳳儀行將登

上苑棲老萬年枝

鸚鵡本朱鳥胡為雪羽殊百年知幾見一日

得三雛瑞色驚凡眼佳名入

聖謨欲為

天子壽還擬學嵩呼

江城生羽瑞色映玉壺冰語巧人多羨名殊
自不矜獻儀傳素雉奮翼異比玄鵬見此賓興
際文明應有徵

白貫府酒中偶生靈芝一本大如盤色

多紅黃紫且厚一寸酒如故亦瑞也賦

此

佳醞留春甕瓦經年結紫芝珍珠甘露滴輪蓋

慶雲垂入賦登仙苑脩丹脩壽卮欲為

王者瑞還看鳳來儀

謝弟友梅惠桂花

仙子雲中來贈我黃金粟
錯落不盈筐清香
三萬斛蘭芷並以馨桃李
殊自俗吾人能若
之道誼永相篤

秋日登城三首

中原望渺渺江國居一隅
星斗隣三楚波濤
帶五湖野舟橫別浦寒鶴下
高梧回首瞻天
極雲泥勢自殊

落日催雙節衝寒度子城
浮雲憐世態倦鳥
感幽情水涸沙灘出風迴
野燒明淒清動秋
興得句豈徒行

水郭帆檣集郵亭車馬誼
風塵憂世路霜露
愴丘園南北猶多士吾人
豈敢言十年承
寵渥無補媿維藩

李都閩欽松隱堂

竹下留尊晚將軍獨過時
霜花明綺服秋水
動離思歲月同看劍行藏
各賦詩丈夫原有
志莫遣嘆烹雌

戴子運賦南旋

千里淮河上樓船十萬開太平空玉壘得意
下金臺鴈別春沙去山迎秋水來轉輟勞歲
月歸早見宏才

送李都閩之嶺南

聖主憂南服樓船海上過鯨鯢避深窟金鼓振
顏波壤接三苗近程無五嶺多將軍經歷處
撫劍日高歌

送歐陽南野之南京

高才明

國典大禮重

郊禮望入金臺近

恩承玉藻新寒波搖錦纜晴日照通津別後瑤
壇上看梅憶早春

程太守筠隱卷

哲人謝紛囂幽情事深麓隔水無些塵繞溪
都是竹歲久長兒孫風雨戛金玉棲鳳起高
枝

恩光庇華屋

答龍南岡行人

使節深冬駐湖亭
晝日開紫芝香可掬
白雪和難裁
別阻風塵路
情留江漢杯
何時松樹下
重為掃莓苔

見白鬚

鬚白不自覺
攬鏡亦堪憐
用世全無意
居閑半似仙
乾坤看浩蕩
歲月嘆更遷
存得丹心在
從他雪滿顛

宗廟偶見鵲巢

殿角初晴日
鵲巢冬亦脩
避風開矮戶
挾子逐鳴鳩
鍾鼓驚常慣
林叢棲少儔
雙雙忽飛去
報喜遶南樓

進白鸚鵡蒙

賜志喜

千里脩藩貢三籠入

帝宮宗情方恐懼

聖德荷優容金鑑還誰獻

綸音獨我蒙燕安承
寵貺感激媿無功

宿山房

山館夜初靜
珮環聲獨留
對禁身並倚
密語意相投
春滿芙蓉帳
香縈翡翠裘
一宵無俗夢
心月與天遊

李維部雪中見過

僻地過非偶
寒江憶獨深
野舟橫淺水
晴日破頑雲
江漢千年夢
風塵此日心
行將遊白

下慰我豈無音

答李羅山用韻

玉節帶星輝
衝寒到翠微
草堂深對雪
馴鶴故牽衣
竹照停杯淨
泉驚別思飛
清才惜會晚
把袂意遲歸

答李東溪韻

侯封常萬里
有志底須憐
冒雪經梅國
緘書返劍川
蹟留銅柱外
心驚五雲邊
南閩知多士
從今庇一天

送左揚陳齊四教官四首

龍門新水積絳帳暑風清落落三年客悠悠
百里情令名登薦剡輿論動江城行近梧樹
樹披雲聽鳳鳴

清才遊錦水得意下江鄉冒雨携龍谷深秋
過草堂年來花再發別後髮俱蒼近喜同仁
會傳經日正忙

道院無人至書聲徹夜聞一經堪濟世多士
擬登雲良晤緣非偶清才自不群碧梧風露

下還許共論文

羨子多清政開軒獨近林數峰當座碧一徑
遶花深客至頻呼酒家貧不賣琴傳經時得
意早晚看飛騰

病中四首時六月十一日也

時忽經三伏人如度九關火雲飛檻外酷暑
遍人問有藥能扶病無丹可注顏自憐蒲柳
質不敢近冰山

畏暑偶伏枕端居聊自脩靜中別有用身外

東坡先生集卷之三
更無求藥峯頻須檢文書倦應酬杜門日謝
客羸得不梳頭

對鏡悲容瘁垂腰覺帶寬故人忽相見淺酌
強為懽暑徑花仍發幽棲世不干最憐鞦韆
月待我正團團

長書苦如蒸炎途不可登倦愁揮雨汗渴想
踏層冰吾已拚沉醉誰能解獨醒病中何以
慰所喜罷南征

送余子歸廣

暴雨鳴江急孤帆出浦遲暫違松徑約猶動
海門思別我携玄鶴從誰覓紫芝此歸如得
意慰遠可無詩

送周梅崖僉憲用韻

多才恣翱翔追隨不可得忽誦梅花吟令人
塵慮息明月行青天迴波動瑶席北望心悠
悠所懷願崇陟

送劉西陂方伯之浙江

春風起薄暮吹客江上衣雲鶴動寒水霜笳

鳴落暉片帆滄海濶千里道情違望之不可
及心與雲俱飛

次對溪三首

使節專城重天風萬里吹春深棠影帶山靜
鳥音竒豪氣歌長劍遊情著好詞感時成遙
思雲樹渺何之
深禁春光滿孤亭曙色微簾風翻篆裊林雨
墜紅肥尊酒頻誰遣闌干只自依好懷應有
待萬里看鵬飛

美人招不至覺我情自踈千里望明月孤身
立玉除春回池草碧雲淨野堂虛記得相逢
日槐庭夏正初

久雨

經旬雨不休滿空雲自浮青綾仍怯冷頽屋
愈增夏香減梨花瘦橋平野漲流小齋岑寂
甚無興問芳洲

喜晴

霽色回天表歡聲藹禁中山河明

東坡全集 三卷 三九
帝德樓閣壯春容柳信今朝綠花增昨夜紅物
情由此暢樂慶萬民同

送楊几川副使

旭日照南浦仙舟發平明義洽不忍別臨岐
難為情望洋慚我後折柳送君行豈只河南
福還為天下霖

安福彭烈婦卷

聞道安城婦捐生世所難精金烹烈火砥柱
撼狂瀾自識網常重奚容犬彘干芳名鑄太

史千古與人看

園亭宴集卷

水邊亭子上雅意向誰投太守吟方罷將軍
醉復留鶴鳴林日轉花發霽烟浮晚運泉聲
急還聽竹下流

飲八弟府

仲冬乘晚霽赴約度西城雪洞如春暖蓮燈
勝月明漏沉情轉密歌緩酒頻更霜落醉不
去還聽花下箏

張武教授歸

白首遠和別青春空獨吟高枝啼倦鳥潭國
重南金政已三年著情於此日深到家娛綵
服蘭桂正森森

送涂東潭北上

江上南風發仙舟正北行臨岐一盃酒不盡
故人情湖海憐同國星河渺去程五雲深處
日猶映豸袍明

寄趙侯齋僉憲

傾蓋非常合交神豈世傳兩年勞十札尺牘
僅三訓滕閣停雲晚章江度鴈秋青尊何日
共吟望思悠悠

送沈青門隱者

江郭霜天角吳門雪夜潮客懷憐歲暮行色
動明朝碧棟瞻雲切丹霄度鶴遙相思清夢
杳吟閣篆烟消

雪窩

虛光生斗室默處與天通玩世羲皇上遊心

太極中春臨池草綠日出海雲紅悟得自然
理終身用不窮

鄭戶部見過

東軒風雨後且喜使旌過小酌瞻依切高談
教益多春雲濃壓屋池草細侵波相見還相
別其如情思何

與李道人

清風擁蓮葉斜日下亭柯撫景憐行色敲碁
破睡魔武夷南嶺外廬韋白雲阿相望幾千

里頻來得意多

雙泉壽圖

海宇春方麗仙源景自奇泉分三島派栢秀
萬年枝玄鹿呈祥日靈禽報喜時壽來開圖
畫千古壯洪基

送李都閩

幾年膺重寄聲價動江城細柳嚴威武金符
照老成風平波怒息雲斂月華明萬里朝天
客南薰快此行

與方士

幾年丹竈冷此日玉關開鳳自天邊至龍從
火裏回五三呈大道八百識竒才時况滯流
急乘桴及早來

晚酌

亭依深竹靜雲度晚陰遲淺酌延清漏微吟
動遠思雨花垂紫玉風薜裊玄絲彷彿蓬萊
上梁園恐未如

並頭蓮

喜見喬家女雙臨碧水頭並肩真自媚垂首
為誰羞聯璧芳心合凌波淨影浮亭亭風露
夜香艷不勝秋

乘涼有懷用雲崖兄韻

散髮南窓下悠然睡起遲赤松頻入夢滄海
獨關思法醞傾金液肥鮮斫玉絲月明池館
上共醉意何如

夢遊西苑

紫雲明玉閣赤水遶金臺曲蓋經秋至重關

徹曉開天涯無輦路人世有蓬萊悵望隔千里身從霄漢回

送蔣對溪考滿

秋水明江閣驪歌起暮筵青雲千里驟紅日寸心懸酒酌東亭上舟維南浦前送君霄漢去望望若登仙

賜陳義民

詩禮傳家舊生涯得意新良田千頃玉喬木四時春善積流餘慶身閑荷

至仁况逢堯舜世爾亦太平民

儀賓揚章催造石獅

鴈傳歸字杏梅報歲時更白石留竒跡朱門得美名雪消新漲濶風順片帆輕莫恣故園樂功完早發程

東樂軒詩集卷之三

皇明管理府事弋陽端惠王醒齋著

五言律詩

過故地有感

城西久不到偶爾看燈來踏月消春困經時
嘆劫灰民居非昔有官道多新開惟識東門
上枯藤復圮臺

賀兄白賁孝行獎勵

祖德由來厚孫賢近益彰一誠昭

簡貺千古重綱常喜動椿萱色懽生棣萼行永
存圖報志日月共輝光

壽舅氏

寶婺中天現華堂壽域開祥雲籠棟宇仙子
下蓬萊晚節榮

鸞誥春蘭香玉臺脩齡何所似廬嶽共崔嵬

雪竹老人與鄉飲

德著鄉評久恩承

國禮新衣冠三世業詩酒百年身種竹還棲鳳

儲金只濟貧春風吹杖屨消酒葛天民

景山冊

古地因人勝今人以地名欲探顯晦理不盡
古今情花發春呈麗雲收月放明况當堯舜
世詩酒樂生平

別趙侯齋

烟雨清江渺孤城野燒微暮春當遠別吾道
復東歸花鳥催行棹星河動舞衣承
恩雙鳳闕玉節有餘輝

讀淨明書寄坤陽子

淨明垂教遠忠孝得朋新時合三洲識機符
再出身子能明妙道吾亦慕玄真他日蓬萊
上相逢是故人

方外圖

海天紅日上照見蓬萊宮瑞氣三千丈祥光
幾萬重波搖金齒齒山擁玉芙蓉我欲朝元
去凌風駕赤龍

中秋四首

冰輪碾碧落流光注金卮良夕成浩嘆千里
襟相知芙蓉隔溪水風露淒桂枝佳會共明
月千秋真與期

對酒喜不寐清歌深夜聞人生未半百秋色
已平分白露被單褐紅英落舞裙子細看明
月祗恐生浮雲

小院人諠寂層城暝色開星河移鼓角風露
下樓臺此夕情何極經時志未摧浩歌懷往
事花下共徘徊

席近梧桐樹月掛瓊瑤枝金飈襲羅袂玉露盈彤墀桂發秋紅亂歌殘晚翠低偶來花下客慰我長相思

送張南岡別駕之汀州

羨子多才藝名成得美官風雲千里近宇宙寸心寬皂蓋明秋日霜笳動曉寒行看新政著早與報平安

嚴介溪尚書便道榮歸

帝眷瓊龍日天符景運時青山纔駐節黃閣已

開帷功業千年著才名四海知
綸音催入相早晚下

彤墀

賞桂花

桃李日已遠園林秋自深群芳蕩零露獨秀揚清馨愛茲幽景靜費我終宵吟吟罷忽成咲此咲誰知音

寄劉世光都閩

節鉞膺西鎮威儀重上台秋高山鼓靜春晏

柳營開尊俎還誰共封章每日裁近聞平北
報欲借禦川才

送孫元吉赴京

月明桂華滿舟發芙蓉江遊子志上國吟人
春滿腔中流帆去正北望鴈來雙後夜遙相
憶丹青駐碧幢

慰白賁喪淑人

秋風摧玉樹仙子返瑤池撫枕應多思
已失期鴛幃虛夜月蘿徑慘霜枝
生死尋常

事母勞空自悲

寄毛東塘中丞

看花憐短髮對月憶華裾別久時雖異書頻
意不踈五雲懸北極秋水湛紅渠天眷明良
切南臺席上虛

飲松鶴府

新門通曲徑舊閣倚孤城冠蓋深秋集簫韶
盡日鳴高談霏玉屑劇飲走金觥宴罷歸途
近擊燧簇馬行

壽白賁母夫人七十

華筵開上國寶婺照江川已喜曾參孝猶稱
孟母賢霜花迎綵服雲翟侑金蓮咲指南山
竹相期五百年

初寒

照人日影白攪樹風聲狂羅衾委故篋繡幕
垂高堂工人惜晝短遊子悲途長氣候進以
漸堅冰萌履霜

謝兄雲岷惠蟹

潯江北風急急送蟹船來承君二十隻助我
三百杯席上名登早殺中味奪魁夜深聊獨
酌幸有菊花陪

謝宗室惠水鴨

雕籠致野鳥忽自湖東來佳名異九品潔羽
空纖埃對語重簾靜雙遊曲沼開遠情何以
謝臨水寄寒梅

宗廟祭祀

蒸嘗遵舊典月令屆初冬禮備

皇恩渥支蕃

祖德隆恭趨嚴奠獻拱默想音容永永江藩祀
祗承愧菲庸

九日登樓四首

家國清平日人文郁盛時登樓開小宴倚柱
賦新詩海上鴻來早霜前菊放遲遙瞻五雲
闕縹緲動遐思

渭水風初急燕山月正明乾坤遙屬望今古
總關情不見黃花放空慚白髮生百年幾佳

節莫厭酒頻傾

美人寓芳渚我亦愛樓居悵望不可及躊躇
空自虛把酒憶黃菊臨風緘素書感時願君
子千古心如初

白日照綺閣長風吹玉堂半天環珮響千里
畫圖開望北馳丹悃居南愧菲才翻思兵燹
地民瘼尚堪哀

涵璧池觀野鴨

細翅經霜隼花紋向日輝驚魚翻藻帶踏水

濕苔衣逐隊遊還狎窺人避欲飛江湖千里
外何日一雙歸

對菊

黃花開爛熳對我興何長霜落看真色風來
挹好香曲終人已醉秋老蝶猶忙咲彼東籬
下無人也自芳

飲蒼嵯府

聚歛聯長席藏闈共短檠躊躇今夜雨感慨
十年情雪藕分甘脆霜花倚素明遊城遠有

約燈火傍春行

十月十七日雷雨

入秋陽愈亢十月復聞雷林震墮霜葉渠流
破凍苔乾坤交則泰時序失為灾廊廟勤調
燮行看淑運回

寒泉疾痊時有書來

近得山庄報平安慰我深世紛輕一羽身健
抵千金藥累尋常事刀圭住世箴會期嗟未
卜明月繫吾心

過李氏故宅

冬日不常暖乘閑經小園寒花點亂水枯蔓
復頽垣空有亭基在而無車馬諠繁華與豪
俠寂寞竟誰言

午日薛樓觀水

午日携諸弟開樽宴薛樓雨晴諠萬井波渺
失三洲簫鼓誰家樂江湖此日憂居然慚我
輩何以慰漂流

謝郭贊善惠空同集并懷

奎星蒼藹外幾夜傍花看珮振玄風渺衣沾
宿雨寒薄名通惠集幽意注吟壇何日城西
閣携尊共倚欄

送秦二守之德安

謹論蜚聲舊專承

簡命新朱幡開宿霽綵鷁悵通津江漢仍多事
驅馳總費神定知賢郡守有術濟斯民

寄郭勿齋

雲裡瑤臺敞仙人長日居承

思近丹宸受簡拽華裾花徑鸞音集苔簾竹色
虛多才况佳境真樂更誰知

與教內翰約登薛樓因雨阻有懷

終日雨不歇滿城波恣流憐若卧松閣阻我
登江樓良會信非偶感時能無憂西行一水
渺咫尺情難投

送教夢坡行

玉節丹霄下金函碧殿開諸藩

明上卷千里近臣來曉吹繁誼席晴花照酒杯

仙舟惜明發臨水重徘徊

送徐少湖沈馬行

化行南國盛舟入內河新

儲閣需良弼詞垣屬舊臣捧函依日月聽履上

星辰江漢如

清問民瘼可力陳

寄六月泛湖者

暑湖深且惡誰復恣頻遊光動魚龍窟波連
歌舞舟淹留經滿眼去任總關憂此日乘桴

東坡詩集 三卷 十一
者含悽獨倚樓

乘涼

移床卧松下欹枕受微風
明蟾萬里共幽興
幾人同玉腕
停揮扇
瑤塔聽語蛩
露涼秋欲盡
不寐意無窮

送簡一溪侍郎歸

霜閣鳴秋急
空峒使節回
暫違天上寵
米共竹間盃
江漢猶多事
乾坤自惜才
賜環將命下
歸棹欲頻催

送管復齋參政之陝

青春持玉節
白日下金臺
論道鴻儒集
明刑栢府開
簡書勤

帝命經濟得真才
回首長安路
行將近上台
送景蒲津侍御還朝

霜落芙蓉淨
秋深豸史行
星河臨曠野
簫鼓動江城
王事勞區畫
民風藉治平
功成報天子
霄漢看崢嶸

孫南野太守見過

碧落星辰動朱門使節過
吏人臨水候稚子
對山歌淺酌情偏洽
憂時論轉多夕陽重回
首明月滿松蘿

送夏松泉南京巡撫

魏闕丹符下清秋
玉節行九天開嶽色千里
靜江聲范老才華著
崔卿計慮精撫綏臨重
地保障樹勲名

送夏少洲中書使榮藩

十月湖湘路山幽
水涸時蕪城轉迢遞
王事

費驅馳赤壁漢江口
岳樓巴水涯所經多舊
勝莫惜寄來詩

送薛方山南京考功

鹿洞辭仙吏銓臺敞

帝鄉極知才有用
且喜地無妨望入三天
迥情牽一水長過家
聊奉慰風便即翱翔

送尹恒溪方伯之陝

雄才膺上擢秉鉞復西行
霜重梧江冷雲開
隴月明過家瞻

帝闕定策撫邊城望入三關路遙馳萬里程

壽晴谷舅

海屋瓊筵壽益綸巾鶴髮明關中推九老洛下
羨群英遲日曉開席長庚春照城年年望湖
北遙致渭陽情

折桂圖

羨爾登雲路承

恩出禁闈翔翔人似玉騰踏馬如飛文彩浮雲
漢天香襲錦衣况當庭訓日書劍總光輝

對雪次魏浣溪通判韻

小閣梅花外長篇對雪吟浪傳金作屋喜見
玉為林歲晚憐迴棹春來擬盞簪燃前有新
曲待子發清音

庚子月食之既

軫壁臨三度樓臺入四更可憐當戶月不見
照江城吞吐疑妖食光回訝鏡明萬方同此
夕瞻仰豈勝情

和蒼涯韻

舊遊城上路雨過絕纖塵野水隨溪曲天桃
向日新倚天雲作蓋席地草為茵最喜春晴
候看花眼倍明

寄孔西泉縣尹

憶汝鳴琴日看松上我堂三年聞政教一別
阻瀟湘巴水春飛舄巫山夜舉觴襟懷元洒
落到處有輝光

同劉許二副郎飲

幽徑來雙節群星動晚堂對花聊促席秉燭

更飛觴山水吾心癖雲霄客意忙夜深燈火
散松竹有餘光

送張玉湖正郎還上清

海上青雲客松間白日過憂時還下淚論道
亦長歌絳節靈宮著黃精仙境多朝真有餘
暇寄我意如何

喜兩答黃海亭方伯

不寐聞簷溜如傾慰渴心樓臺失朱夏畝
遍黃金花霧行沾濕棠陰注望深神功歸岳

伯勛業比商霖

送揚胥江僉事進表

章江雨初歇松徑客來辭錦纜牽長日清尊
慰遠離雲中瞻

闕近海上過家遲最喜嵩呼後

恩承戲綵時

送姚虛谷叅政進表

鼓吹喧薇省星槎發曉風遠持金鑑錄飛獻
大明宮日月層霄迥梯航萬國同行將近丹宸

虎拜祝華嵩

送張五山都司行

聖主垂衣日將軍面

闕時一舟承浩渺千里擁旌旗報

國心應赤橫戈志不移行看耀威武績在邊

陲

寶香亭餞丁坂塘都閩

幽境花初發將軍興亦饒嗅蘭人倚劍話別
厭聞韶尊酒留深樹星宸動遠霄明朝送行

處江濶片帆遙

送尹洞山編脩北上

放舸渺江雨乘涼過竹堂座紛雲霧潤杯引
芰荷香事業談驚禁風波憶楚鄉濟時知有
策早為獻吾

皇

送劉後齋戶部

水次行臺近頻過亦不妨青尊淹細雨皂蓋
倚長廊

國賦等詩能足江流順可航未期重會日懷切五

雲鄉

答鄖陽李東溪寄墨刻

遠使荆門下名書重鎮分風塵憐久別消息
喜初聞花裊金戈月山空玉壘雲雖今江漢
靜還擬掃邊氛

送方栢庄少叅之承天

仙境臨開府

皇陵屹漢維瓣香新展謁雙節舊威儀營建方

東坡先生詩集卷之六
隆日風塵未息時金丹知素有莫惜療民疾

送朱履冰之廣泉

五嶺原無雪今秋始見冰與梅增氣象和雨
淨炎蒸海道行將入江雲望轉凝遙知雙栢
下作政著才能

送吳竹墩縣尹北上

竹徑猶期賞仙舟忽報行空懸千里思莫罄
數年情江碧雨初歇堂深琴罷鳴涼風淨霄
漢一鶚看縱橫

送趙縣尹北上

簡命來

楓陛晨趨向遠途片帆迎五老輕舄度雙鳥正
喜騰鵬鷲行看靜鼠狐經綸知有待好為贊
皇謨

守恬叔池亭

層亭開別圃曲水繞脩林鳳翥楹懸綵螭盤
座縷金月涼舟屢汎花密徑重尋不盡多權
洽須知

帝澤深

暑夕觀蓮

竹裏亭池小波間花蕊多
光搖蘿月上香散水風過
不飲秋仍暑如狂嘆復歌
踏水誰可得吾欲挽銀河

喜雨

殿閣連雲黯風雷入幕狂
雨聲被叢竹涼氣撲迴廊
不寐頻呼酒披襟仍據床
喜聞簷溜急沾灑亦何妨

周冷塘御史見過

清風吹皂蓋白日過松堂
勁氣凌山嶽憂思繫廟廊
靈飄朱履淨花妥玉尊
涼忽見南征報其如獻納忙

席畫士雲樵卷

浪跡浮雲侶幽情花鳥俱
偶來尋桂圃復去覓秋菰
落日山城迥扁舟野水孤
仙巖如可陟好作玉華圖

送熊上舍北行

東坡集卷三
霜霽齊芙蓉淨江寒鴻鴈除躊躇別鄉國迢遞
入京華司馬才多似岑參興莫加定隨丞相
後得意賦梅花

送沈青門行

別子臨南浦躊躇立晚風層城迴落照寒水
送征蓬玉井蓮峰上金臺漢苑中經過有佳
句莫惜附來鴻

趙僉憲母挽卷

香閣秋雲黯霜天寶婺沉訃音馳遠道孝子

切歸心黃壤恩重及烏臺思益深東芻遙致
奠雙鶴起松陰

十二月初十日同諸弟賞牡丹

冬暮花重見亭深雪未消天香浮臘蟻國色
照金貂瑞應真誰賦殊稱獨爾嬌歲寒競明
艷梅合讓孤標

庚子除夕

層城誼雨急別殿敞筵遲結綵迎新歲燒燈
檢舊詩臘隨殘漏盡春與早梅期

帝眷年來渥淺才負盛時

別李及泉大行有懷

波渺鴛鴦渚槎留風雨天對歌憐昨夕復酌
定何年落落天涯遠蕭蕭行李便清樽誰與
共相憶各淒然

二月涵璧池與夏少洲飲時白賁雲崖
二兄在坐

移席臨芳沼含情對野梅偶經春雨歇况復
王孫陪待月停歌扇催花縱羽杯風流真見

愛吟賞羨多才

賞茶花二首

細雨春亭晚看花共上臺靈砂含聖母鶴頂
化仙胎卧酒非留意懸鈴每見猜東風莫相
妬明日我還來

小院山茶樹花時雨更多枝枝凝碧朶朶
簇緋羅席近迴風舞雲停彩扇歌賞心須劇
飲莫惜醉顏酡

春日同竇薇泉飲

久羨燕山裔今過松隱堂徑花沾珮色池藻
蕩雲光晚會情偏洽憂時論獨長小園况新
霽頻醉亦何妨

看花簡薇泉二首

三月天多晦群芳徃轉幽密叢無戲蝶高樹
有鳴鳩雨色桃花過風情竹葉留病軀無俗
擾春况若為酬

小苑時多雨春深始見花地偏無客至色麗
向誰誇露蕊含金永晴枝擁絳霞忘言對終

日題品候名家

次白賁雲崖二兄南山賞芍藥二首

誰家開美醞長日醉芳叢侑客春詞媚薰人
花氣濃小禽鳴變夏群蝶舞隨風莫惜留連
飲陰晴恐未同

梁園春滿日蜂蝶繞花叢蝶戲花心亂花迎
蝶意濃潤沾扇露香逐舞衣風莫訝春常
好花飛便不同

劉通判懷潛卷

北極星河近南州道路長劇才酬盛世遐想
繫高堂王氏三槐茂燕山五桂芳後先揆一
德奕世有輝光

雙溪卷

萬木遙侵塞雙溪獨繞村雲收分燕尾波擁
接龍門晚艇星河引春臺花竹屯高人恣幽
賞常日伴琴尊

十月對菊

庭下看霜菊進開色愈嬌輕盈欺白雪爛熳

勝緋挺短髮驚衰晚高枝耐寂寥齋居還秉
燭為爾坐深宵

鴛鴦菊

共蒂原相並連英自不離棲風搖紫玉浴日
淨金絲密密芳心結亭亭比翼垂見人飛不
去霜冷宿高枝

昭聖皇太后哀詔

縞素滿天下咸悲失母儀白雲千里馭黃葉
九秋時忍聽彌留誥誰歌樛木詩宗臣揮涕

淚不盡

孝皇思

送東塘司馬北行

音問三年絕旌旗萬里迴霜苔迎倒屣晴菊
對啣盃交職行須補星槎晚故催含情瞻北
極黃閣五雲隈

李二守雲嵯圖

幽居真絕勝樂事豈尋常山水隣仙境雲霞
接上方杯凝滄海色衣帶紫芝香嵯畔多脩

竹時看起鳳凰

送張都閩之廣南

將軍膺遠寄獨馬度梅關冒險心猶壯憂時
髮未斑海天春日近山疊陣雲間公暇臨尊
俎談兵震百蠻

辛丑除夕

不作驅儼戲聊開守歲筵繁絃催邸漏綵帳
動雲天寒雨吟偏切深杯照自憐今宵莫辭
醉明日又新年

人日登樓

曠野樓偏近新晴與欲飛
浩歌臨碧落倚檻
振玄衣梅柳春光淨
山川澤國輝暮城凝望
遠烟火萬家稀

立春試燈

晚霽風仍起燈懸閣自開
月浮珠有樹雲擁
地無鼙鼓促漏聲
盡梅傳春信來邊烽聞未
息歌罷屢停杯

同三司觀燈

雲漢占奎聚春筵擬夕張
清才頻受簡深坐
更飛觴月滿遊燈市
香飄隊舞場星文動羅
綺行處有輝光

元宵遇雪

芳筵開暖閣風急轉宵寒
醉裏冰花亂吟邊
火樹殘可憐春事寂
更喜酒盃寬梅壓燈山
外頻移綵蠟看

答張蒲山憲副惠詩

獨坐依瑤樹忘言對晚岑
忽驚馬驄馬客惠我

東坡集卷之三
採芝吟龍氣盤金鼎鸞音協素琴令人憶雙
栢蒼翠豁塵心

過鐵柱宮

道院隱玄宮幽花一徑通傳呼駐雙節惆悵
立東風丹井何年秘妖氛此日空勝遊緣興
薄探賞未從容

蘇亭小酌

敞席依林霽邀賓趁晚幽野花開自好道伴
語相投黃鳥鳴深樹浮雲繞故丘感時翻自

嘆不學愧前脩

西園賞牡丹

繁花開別館濁酒慰深春紅白經風亂高低
觸眼新賞心愁酒促逸興喜歌頻更嘆雙松
樹青陰不近人

看花遇雨

白日暗朱樓憑軒非野遊芳菲聊見妬蜂蝶
莫深愁林密風聲切堂虛竹色浮花時自多
雨無意怪鳴鳩

上林春曉圖

羨彼上林曉春明花木深天葩凝瑞色奇鳥
弄仙音靈濯千機錦晴融萬斛金移來作圖
畫聊慰百年心

送馬乾庵之濱州

風流舊仙史縹緲泛新波冒雨難為別臨尊
強自歌海門塵事少江國政聲多公暇蓬萊
上長吟振玉珂

吳龍津太守見過

朱幡帶時雨碧篠生新涼慰我多奇論知君
有異方烟霞疑嶽色蘭芷襲衣香小酌勞深
坐高情自不忘

七夕

秋入藕風涼橫樓夕宴張舞餘低壁月歡極
縱霞觴百子池何在長生殿已荒却憐兒女
輩空簇巧筵忙

中秋友人話別

露冷驚秋晚臺高得月先已拚深夜醉翻為

別情牽把袂聞征鴈含情對舞筵感時心共
切翹首五雲顛

賞桂花開筵報二首

邊警時聞報携尊強對花聽歌心易醉罷宴
日初斜戎馬南侵急瓊樓北望賒居然慚素
食撫景一長嗟
吾家雙桂樹金蕊復繁開嫩色偏承露清香
故入盃晚秋竒競發雕珮喜重陪醉踏婆娑
影身疑月殿迴

送龍南岡謫閩見過

諫草日聞多仙舟柰去何長吟空海嶠孤跡
暫烟蘿舊館分燈候晴冬振珮過明春武夷
近重聽碧柅歌

送鄢劍泉大行北上

江漢浮仙舫南薰度晚潮勤勞王事畢直上
玉京遙鼓吹喧偏急風塵暗未消民情如可
採早為獻

神堯

午日汎西園二首

佳節宴新亭謳歌占水心嫩蒲沿岬曲濃柳
拂波陰送酒頻呼艇憂時切望霖暫時簫管
歌雲卧恐龍吟

畫舫依林淨玄襟汎曉涼蘭橈廻白鷺藻鑑
出紅粧岸遶葵榴滿筵侵竹樹長明河望不
及聊爾詠滄浪

送周壁山主政還京

簫鼓振西城憑高送遠行日邊

丹闕近風外綵舟輕作賦遺真愛酬功著今名
相看轉迢遞烟樹不勝情

禱雨

甲辰五月十五日予因久旱偕長子
焜齋沐躬禱于露臺是時赤日火雲
已兩月矣予父子朝夕行禮陰雲漸
起細雨連朝十八日予復親撰表文
籲天懇祈至二十日大雨如注次晚
方止田畝克足池塘盈溢實

上天之恩江西之福也喜而賦此

端冕登壇肅祈恩顧德微浮雲空蔽日細雨
不沾衣民望亦何切天心終豈違瓣香臨白
日翹首重獻欵

喜雨

山川雲欲動殿閣氣先秋碧漢神龍起炎蒸
帝澤流濯蓮紅汎沼滋稼綠盈疇最喜連朝急
能舒萬姓憂

送鄭縣丞之蒼梧

子產能為政南行豈偶然絃歌居古邑花柳
別晴川善化期多著

皇恩賴遠傳定知夷壤靖飛鳥早朝天

斗槎歸鏡

江國百里外鄱湖幾度過梅傳新歲月酒對
舊山河遠岬春波渺平沙晚鴈多好將到家
信慰我莫嗟蛇

堤成贈南昌譙湫濱太守

太守恤時艱堤成萬姓懽春風消蜃氣鐵柱

障狂瀾惠政還誰及輿情豈自干碑亭昭白日功業繼韋丹

雨池卷

澄空涵草閣沾洒見新荷積水三洲外遊仙
幾度過雲霞凝瑞靄雨露溢恩波况與滄溟
接魚龍變化多

宿永隆山

獨宿新庵下孤燈短榻前慮忘心自古山靜
夜如年鶴唳回清夢窓明覺曉天欲尋真隱

地未了俗生緣

五老圖

香山詩社裏五老共徜徉耆德

明時重危機智士妨春遊娛鹿豕晚節擬松篁
此日瞻遺像深憂繫

廟廊

乘涼

酷暑不可避層冰安足思獨卧松下石長吟
方外詞清風拂瑤瑟明月流金卮即此已超

俗導引非吾知

喜雨

當書黃靈起漫空赤日昏江山搖地軸雷雨
震天門撲座炎渾火滋篁翠岩屯誰云不終
日猶可豁塵襟

感時

豺狼當要道麟鳳在叢林回紇驕難制中原
困莫禁諫垣時論切
聖主隱憂深此日調元者能無為

國心

月岡卷

高岡瞻月上秋意滿華林淡薄山河影飄搖
紫翠陰孤亭仍駐鶴曲徑故携琴文水青原
近幽人幾度尋

叔樵雲新園

僻境留佳樹千章蔭碧池浪翻銀島淨花結
錦屏低送酒頻呼艇延賓數賦詩青森况滌
洒歌舞日相隨

孟夏西園汎舟

風微舟忽汎花發酒須傾落日千山映歸帆
一水迎蟬聲驚柳斷波色帶霞明隔岬聞啼
鴈其如兄弟情

再用前韻

長日幽居敞閑適意獨傾放舟聊小酌携鶴
故相迎魚鳥窺人亂葵榴照水明不須恣歌
舞談笑足娛情

送侯三峰之閩

仗鉞際清時名藩賴撫綏

綸音下霄漢仙島度旌旗細雨琴樽淨遙天鴻
鴈遲所懷在閩闔勲業擬臯瓌

午日汎舟

林塘微雨過五日氣如秋曉岬誼鼉鼓晴波
蕩綵舟玉盤香膾縷金甕碧蒲浮滿眼葵榴
發相看愧白頭

沈鳳峰過飲西園別後有懷

碧海青雲客閑過慰素心對花慚菲席汎沼

東坡集卷之三十一
三十一
得瑤音野眺情俱遠
杯停意獨深
所懷松下酌
何日可重尋

答張子壽秀才

日下龍光合松間雲氣流
紫芝香可掬白雪興難酬
江閣重逢地蟾宮獨步秋
鹿鳴承宴罷行看上林遊

寄龍南岡

江口兩初急仙舟日暫留
浮雲渺層閣寒日對三洲
望入丹崖外情牽碧水頭
乘風知有

疏早見動

宸旒

東岩卷

抱德任山林忘言拂世情
卧花常醉月對客不彈琴
竹遶山居靜泉通鳥道深
盛時多隱逸未許幣車尋

貢白兔

玉兔出仙鄉明時獻上方
秋毫凝瑞色丹眼湛靈光
讖合三洲接

恩同五鶴翔淨明符有應

天子壽無疆

壽圖代人作

瑞日明文苑薰風啓壽筵
主堂陳殿上蘭桂
繞堦前玉女歌仙調霞觴
注醴泉一方沾睿澤
千載樂堯年

送高安江荆石縣尹應 召北上

邊關多事日江漢喜君行
信有迴天力其如
卧轍情山雲雙闕近
千里一舟輕餞罷臨南

浦躊躇看月生

壽晴谷舅八句

壽域開春宴群仙下海門
太平輝玉燭盛樂
倒金尊遠致南山祝
榮霑
北闕恩願言晴谷叟
百歲訓兒孫

送王仲山主政還京

南風吹宿雨沾洒喜涼多
已作荷筒飲還尋
菡浦歌薛樓開宴罷
廬嶽聽泉過別後遙相
憶承

恩在鳳坡

廟祀有感

祭祀

明王典恪恭人子情衣冠百世肅俎豆四時清
感格神人協馨香德業榮明明
祖訓在相翼尚躬行

東樂軒詩集卷之四

皇明管理府事弋陽端惠王醒齋著

七言律詩

承

恩賜書集有感

戊子年進呈

天子尊親聖孝彰
渙頒

宸翰及遐方
金函映日龍光射

寶訓臨風



御墨香

制作百年新禮樂發明萬世大綱常宗臣何幸

叨

殊寵圖報拳拳敢暫忘

祖王請謚行勘有感

吾

皇可奏恤家情七十年冤一旦明天道循環今
即古是非別白死猶生得伸先祖無辜恨庶
免曾孫不孝名

聖代已崇敦睦典仰期追贈賁佳城

賜謚榮莊得報志喜

玉音忽自九重來數載憂懷頓覺開兩字已蒙
昭行實寸心何以報消埃奸謀誰謂牢難破
忝運天教否極回聿念

祖王靈不昧也應含笑在泉臺

讀明倫大典

展卷臨風子細評彛倫統嗣具分明群疑到
底歸公論非禮終難奪至情王道平平家國

範廟謨奕奕子孫程欲知

聖孝傳千古壽梓于今四海行

試保和冠服

冠裳新製越羅輕慎獨由茲體貌成酌古準
今儀飾盛刪繁就簡等威明

龍章彩彩慚無德雲弁戔戔幸有榮圖說幾廻
探

帝則保和期不負斯名

恭和謁陵

御製

諸陵思切

聖心傷展謁儀文自主張宇宙萬年垂孝大華
夷一統際時康雲閣帳殿皇風穆路入仙源
喜氣洋我欲隨班祝天保獨慚千里阻封疆
用韻答怡雲弟

山河影動秋塞靜蘭桂芳傳綵服榮豈但聯
床申舊約每從摘藻見多情長江直北兵戈
定雙閣隣東竹樹成十載共膺敦睦典獨慚

迂放寄維城

送朱雲谿太守遊洪崖洞

皂蓋深冬入紫清
凍雲寒雨傍崖行
摘花汎水野人意
覓竹留題太守情
泉響亂峰仙跡
杳山迎五馬
客途平華陽
記得經遊處
歲月空懷祗自驚

元宵試燈

閣上風微燈自明
堦前雪深人不行
鳳簫鼉鼓促長夜
銀花玉樹移春城
謳歌有象

一人慶征役無勞
四海清燈光
歲歲照顏色
素飡何以酬昇平

送廖東雩縣尹

春雲黯黯壓江波
江上輕帆春晝過
新柳拂烟青
尚短殘梅含雨白
仍多滕王閣
迥留深飲郭隗臺
遙起浩歌別
後真才膺重選
清光長日近鑾坡

送寒泉歸鄱

西堂共坐兩蕭疎
對酒看花興不孤
良會百

東坡集卷一百一
年如我願好懷今日為君舒晴霞薄暮流丹
閣香醞凝春注玉壺其柰歸舟又明發相從
無計渡鄱湖

寄題道山書院次寒泉韻

幽人卜居今翠微泉亭竹戶多光輝詩書滿
架生意足城郭隔水人蹤稀自便尊酒遣白
日豈在絃歌擁絳幃我欲登堂媿無計渭陽
之情何可違

春日次晴谷韻

天末風吹萬頃波扁舟那得日相過芝山斲
藥思雲杖鶴港停耕憶雨簑老去渭陽情愈
切年來潘子髮俱皤遙知庄北仙壇近試問
金丹事若何

元宵值雨

鰲山小結重門靜風雨連宵坐玉壺市遠不
聞誼鼓吹江深遙憶長蘼蕪經時對酒心猶
壯共客燒燈興未孤寄語遊人且停步莫隨
兒女混泥塗

久雨有感二首

浮雲蔽空春寂寥連旬風雨鳴江臬閉門讀書計亦拙揚鞭驅石心徒勞我情不已發此笑天意有在回清颺明日北風吹瓦屋何憂平地生波濤

入春淫雨晝常晦苔徑日日車馬過愛客往來不怯步憐春在苒還自歌鴛鴦池頭碧草亂滕王閣外青山多長吟且莫出門去坐看紅日生庭柯

雪後夢遐齡山

林摧冰雪龍蟠穩時近清明感慨多華表獨留新歲月仙臺空倚舊山河雲中鶴駕何年返夢裏神丘此夜過化域久蕪情愈切每慚遙奠望松蘿

哭寒泉母舅通判

白首潯洲歸數年故園恒產尚蕭然歲除猶寄雨中稿春盡不來湖上船芝嶠望迷雙淚落渭陽情切寸心懸翻思四十年前事苦累

都無一字傳

送董東莊主政之京

江上雙峰照玉臺
別筵遙對好懷開
杯涵星斗長天遠
雨激鼉鼉白浪催
野老猖狂憂社稷

聖人端拱住蓬萊
行當極力陳民瘼
始見青春獨有才

謝陳騶山御史惠鶴

江城雨雪松門開
栢林鶴子乘風來
丹砂隱

隱發深色皜衣拂拂真纖埃
風塵獨立世所重
霄漢長鳴誰復猜
鐵笛瑤琴久相約
草堂何日延仙才

郭淺齋侍郎過東樂用韻

草堂薄暮雨中開
玉節深冬江上回
共對寒花意不盡
自憐幽徑客還來
盍簪况是清平候
投簡真逢經濟才
回首天涯近
春色碧山丹穴羨奇哉

送陳騶山出巡

東坡集卷四
畫舫青簾映雪光碧溪南下水雲長深冬玉
節留江漢中夜丹心繫廟廊杯酒未酬今日
教梅花空遍隔年香孤城歲迫榮行近翹首
西臺思莫當

送陳介泉之廣東用韻

吾家雪後竹松深自昔尋幽住到今近喜高
軒過僻地相逢一笑抵千金虛堂秉燭同看
劍寒水維舟獨載琴明日雙旌度梅國春風
懷切粵南音

寄鄭文峰戶部

開徹碧桃春色深草堂雲護竹陰陰高軒薄
暮看花駐小酌隨時對雨吟踈簡自憐簪晚
盞翱翔還擬節重臨仙槎祗恐乘新漲望渺
銀河思不禁

後堂間用松木為之人或以萬松堂為
嘲者故賦此

城東新構萬松堂勁節真姿志不忘招隱獨
懷三徑色學仙須嗅萬年香竹梅有誓同天

東坡詩集 卷一
地桃李無緣傍戶墻吾已久甘松隱號棟梁
須此亦何妨

對雪

嚴寒初試玉壺間醉擁貂裘看雪山午夜有
人回剡棹明時無馬度藍關光凝碧海龍蟠
穩香沁梅花鶴夢閒三白喜今呈瑞兆江南
豐運望中還

八府觀燈

高結霞綃簇綺筵春風庭館醉群仙金蓮勝
放無波地綵仗遲回不夜天舞袖翠翻香藹
外滾燈紅繞玉除前謳歌且喜江藩樂烽火
還憂西北邊

與白賁雲岬二兄登城聯句

高閣臨江壯勝觀醒恍疑身世出塵寰白爲
飛魚躍無窮妙物換星移有限閒雲清興已
超三島外丹心猶切五雲端醒古今贏得西
山在多少英雄漫倚闌白

次前韻

東坡詩集 四卷 九
萬里山河縱目觀春風和氣滿人寰樓臺縹
緲三天近詩酒留連半日閑
皇祖平南功顯著真仙羽化理多端落花啼鳥
傷前事惆悵王孫重倚闌

謁遐齡山

化域崔嵬紫翠堆百年風氣此重回金魚玉
盤情何極林荔溪毛念敢灰華表有符昭代
遠石函無隙待誰開一杯奠罷徘徊處自覺
衷腸寸寸摧

登飛昇臺

仙臺突兀半虛空羽化真人縹緲中俯仰有
懷追往跡徘徊無語立西風黃花故故沿崖
放石磴層層傍澗通勝地况逢重九日百年
登眺幾人同

謁永隆山

遙向松林望閟宮自然佳氣鬱葱葱千山拱
護乾坤秀一穴生成造化功奏假有靈歆玉
帛思成無異觀音容此行已遂平生願俯順

身集事集六 一四卷
良由

帝德隆

謁永壽山

衣冠清曉拜林丘禮樂尊嚴俎豆脩陟降每
思先世德孝誠聊啓後人猷縣延

國祚山河舊浩蕩

君恩雨露優俯仰此情增感慨白雲紅葉總悠
悠

謁永安山

寶鼎香騰絳蠟輝卿雲光裏啓朱扉培封漸
喜松杉茂祭掃常慚歲月違惟把一杯澆宿
壤難將寸草報春暉音容杳杳嗟何及獨立
斜陽未忍歸

上蕭仙嶺

清曉肩輿上極巔冲開紫翠訪真仙旌幢已
在三光外心目真同太古前無復洞簫吹夜
月惟存石屋鎖寒烟乾坤毓此非常秀直與
遐齡並萬年

遊洪井洞

駐節山頭日未斜
深秋風景莫能加
參天松栢撐真榦
繞道芙蓉點絳葩
石臼水簾仙子洞
竹籬茅舍野人家
臨岬欲問當年事
流水無情送落花

駐翠巖寺

紫清洪洞早經過
復向禪關訪達磨
猿鶴靜甘塵夢少
山林清讓老僧多
藏經閣已傾梁棟
說法臺常委薜蘿
方丈欲陪今夜月
其如

騶從促歸何

過新坊舖

古徑縈迴遠翠微
曉分涼思襲宮衣
一行車馬旌旗擁
幾處人家烟火稀
灼灼野花當路蔓
低低水鳥傍田飛
滿前秋色清無敵
次第收將入品題

過沙井舖

匆匆車騎度龍沙
野色荒涼興轉嘉
山樹日凋明古道
灘河秋淺閣魚叉
雲封嶺嶠諸陵

遠風約旌旗一路斜欲向官亭暫休息不堪
林晚噪群鴉

永隆山聯句

松楸翳鬱萬年基醒齋仰止拳拳繫孝思汪
蚊文忠菲奠敢期昭景貺醒齋封章曾已感文忠
天知文忠難忘最是

君親德醒齋追遠寧非教化禪文忠我幸此行
多好景醒齋賡歌焉可乏新詩

登滕王閣

傑閣巍然闕碧流我来登眺值深秋八窓洞
達風光好萬井繁迴露氣浮列嶂迤西瞻

祖壠凭欄直北仰

神州悠悠忠孝平生念敢効題詩孟浪遊

胡敦教授致仕

殿前杯酒照緋衣江上晴絲拂釣磯

祖範獨留彝典在國人共惜老成歸休憐湖海

路多險且喜尊鱸秋正肥時際太平余晚節

故園菜梓有餘輝

甲午六月六日禱雨有應志喜

旱魃為災酷暑中
襟消無德仰蒼穹
瓣香已達
允庸悃好雨隨
造化功濟急竟誰
憐慨微逋猶爾苦
疲瘵誰言民社非
吾事藩屏由來休戚同

賜春谷僧

海上維摩詩且文
重關不出人多聞
聞軒靜對數竿竹
掃石閑眠一片雲
悟入空門真性妙
厭他塵路緒頭紛
圖經見說湖山勝
幾欲

凌風未有因

南山夜宴聯句

凌雲高閣下群仙
青削芙蓉入畫便
滄浪
汨泉聲驚宿鳥
翻翻天影見中天
烟露滋苔鮮
凝秋碧白人倚闌干
不夜眠醒莫訝習池風景異
口太平今已樂
堯年醒

次前韻

雲岬元是吾宗仙
白石清泉性所便
小山積翠擬蓬島
飛閣流丹真洞天
檻外竹松招鶴

舞池頭簫鼓驚龍眠

明時共見南山勝滕閣何勞說往年

賀兄雲岷生孫用姪寶桂韻

王孫神徹玉壺冰宏聲忽聽驚秋冥平時已
見門多慶今日還知夢有靈風定香聞丹桂
苑月明人立紫薇亭君家自此孫枝茂

御賜詩書百世傳

詠雪次韻

天花誰剪裁春城雲幌凝輝訝曉晴北海祭

毡真大節藍關擁馬竟虛名寒梅點綴瓊枝
重層閣平鋪玉檻清時向舞筵拂歌扇夜深
猶映月華明

乙未元宵觀燈

東風庭院雪不消海上山來駕六鰲寶炬燭
天雙闕近霞綃籠月五雲高香生翠袖圍春
色舞促華筵醉俊髦燈火禁城簫鼓夜太平
人樂

聖明朝

寄乾坤散人

獨坐齋居意自閑
滿天風雨作春寒
槿花落盡林容斂
燕子飛來午夢殘
報

國有心捐寸祿
注顏無分煉還丹
仙踪應在湖東曲
咫尺雲關欲扣難

春日登城次兄雲崖韻二首

曉風翻燕蹴飛花
九十韶華覺漸賒
春滿錦襦人已醉
雲流綵筆日初斜
槿花渡口橫漁艇
楊柳樓前駐酒車
莫怪尋芳歸去晚
從來

清景屬詩家

日暖芳洲鳥韻和
畫樓題柱喜君過
三春轉眼偏晴少
百歲知誰得意多
對鏡自憐雙鬢改
看花猶憶玉人歌
何時載酒酬前約
乘月披風任醉陀

暮春登南山次韻二首

高閣宏開近午天
小橋斜度竹陰連
幾時不到景忽異
一醉能教愁自蠲
隔水樓船傷往事
清歌詩酒結良緣
東風有意憐春好
莫遣

飛花落舞筵

晴日南山作勝遊，春風絳節五雲頭。
飛花鳥蹴溪紅亂，怪石莓封徑綠稠。
鶴子呼群天欲暝，主人愛客醉還留。
夜深歸路西湖上，烟水微茫月滿樓。

暮春雨中

花老春殘已十分，杜鵑空向雨中聞。
滄洲有夢回雙鶴，淮海無塵起六軍。
細數落紅增舊感，旋排清酌對餘曛。
瑤臺負我今宵約，錦瑟

銀屏何所云

荼蘼次兄白賁韻

春盡山城見粉團，素娥彷彿月中還。
冰蕤清露芳容淡，翠帶牽風玉色寒。
晴雪有香飛小院，片雲無跡度雙鬟。
相看祇恐韶華老，急欲携尊共倚欄。

挽貞女易氏

青春有誓堅如金，一死從容明素心。
綱常既重志難奪，絲羅未結情自深。
挽回正氣還天

東坡集 卷四
地馮出貞靈照古今必欲芳名垂世教穹碑
千尺煥

綸音

讀貞女易氏傳有感

丈夫誰似揚家婦只重綱常不恤身大節如
山那可奪孤貞耀日孰堪倫從容義氣彌霄
漢慷慨丹心負鬼神因嘆 國家培士習何
如已卯並無人

登城觀漲二首

江城雨霽江樓開江波滾滾如奔雷舟人懼
險不敢渡民居失守俱傾摧帆檣時亦倚深
郭簫鼓誰復登高臺西山十里白雲渺諸陵
切望心遲回

密雲疎雨暗西樓促我乘輿作晚遊紅拂素
衣花氣重翠浮紆逕竹陰稠臨江對酒懷知
已拍檻長吟憶十洲坐久江流勢轉急感時
翻為子民憂

乘涼漫興二首

石洞秋陰枕簟涼
雲蘿拂戶落花香
紅塵不到玉壺靜
明月忽來玄壤光
拋却簿書消冗
雜煉成金液見平康
年來悟得長生訣
說與時人笑我狂

深深竹院不知午
睡覺忽驚雙鳥鳴
枕簟涼生雨已歇
臺池翠積秋初清
踏冰酣飲竟何事
習靜願神還近情
床前侍兒不自寐
揮扇時聞金釧聲

晚酌壽芳亭

行見上黃麻

第竹隱送像生白菊次韻

開時不受曉風吹
玉簇冰裁色樣奇
秋老無香招冷蝶
春深有雪綴晴枝
低昂已自經粧
點榮瘁渾難定
早遲素質更非籬
落種盡梅屏竹是相知

寄蔣對溪

芙蓉別館憶深秋
花下曾將錦字酬
徃歲獨憐塵夢杳
好懷常共水雲流
西風北鴈回南

東坡集 卷一百一
浦遠樹斜陽
紗鶴樓勝景
美才知不負石門
赤壁幾經遊

寄陳高梧侍郎

星軺曾駐鳥臺日
滕閣留題墨尚新
入望楚雲千里迥
別來梅雨幾回春
鶯花轉眼憐塵夢
社稷關心重此身
欲采芙蓉不可及
相思空立水之濱

對月懷初亭

明月照人秋不眠
虛簷獨立心如懸
寒蛩啾

啾若人語碧篠蕭蕭非春妍
十年故人不相見
千里清光應此憐
白帝城高五雲渺
悠悠空憶霜花前

哭宮人惠

四十春來夢一場
我今成立爾云亡
劬勞雖未三年哺
愛護何曾頃刻忘
魂逐斷雲歸故隴
衣和明月掩深堂
思之不見猶成恨
空洒西風淚兩行

送錢司馬提督兩廣

帝命中丞握重兵遠分符節下 神京清霜鼓

角天涯動晴日樓船海上行

聖主簡賢宜柱石粵民翹首望麾旌佇看嶺表

烟塵淨早與佳音慰別情

蘇寒村寓上藍寺有懷

携鶴曾經翠竹居霜花寒日正冬初十年夢

杳兵戈路此日心傷使者車鳧鳥遠飛蒼靄

外燈花間落笑談餘春江回首瀛洲近長晝

垂簾好看書

別乾坤散人

野鶴昂藏不受羈東西南北任栖遲蓬萊有

路幾人到歲月無稽獨子竒不老壺中調玉

液長春洞口採金芝年來會得旌陽讖八百

人中已有期

送陳方洲致仕

世道正當全盛際先生何事便投簪幾年純

政民多感此日離情我獨深蝴蝶競風驚午

夢芙蓉含雨作秋陰徘徊更上滕王閣望渺

東坡集卷一百一
孤帆思不禁

答胡漢南大行惠教次韻

江上風清栢府開
照人珠玉雪中來
相如藻思傾三峽
平子幽居敞一臺
好事每勞深駐節
衝寒還擬共看梅
青尊莫惜留殘臘
回首天涯憶俊才

謝毛東塘尚書見過

雪消春近晝仍陰
僻徑能勞長日臨
江口昔年遙贈劍
樓邊此日共論心
山河影動星辰

集蓬葦光搖檠戟森南徼
行看王化及章江
洗耳候飛音

送林守之南安

臨軒送子之梅國
南浦春迴雪始消
晴日關河飛皂蓋
五雲樓閣憶仙軺
野人載酒歡方甚
太守能詩興亦饒
此日嶺南多北鴈
好音莫惜寄來遙

兄白賁任西山登樓有懷

鷓鴣風微雪下殘
倚欄猶憶碧山寒
遐齡雲

護龍蟠穩洪井泉飛鶴夢安勝地未能陪繡
伏孝情先已達

金鑾扶舉十里山岐滑跣足宵行人所難

送陳騶山謫泗州

北風江上凍雲開豸史衝寒逆浪來
兩雪獨能催晚歲乾坤誰為惜真才
折梅此日勞頻贈尊酒何年得共陪
回首

帝鄉春色近碧桃晴日憶登臺

東樂軒詩集卷之五

皇明官理齊事弋陽端惠王醒齋著

七言律詩

答黃海亭方伯新春之作

星動薇垣豈偶然，忽瞻雲翰下翩翩。
山川藉色迎新霽，苒留情憶舊年。
獨我居藩慚素食，諸君為國總英賢。
相期欲了燈筵債，斗酒還須詩百篇。

庚子試燈

春寒江國放晴遲，小結燈山聊應時。星斗下
移雙闕迥綺羅，高簇五雲低。歌聲雜，選方為
樂民事蕭條，亦可悲。聞道

乘輿又南狩，此心遙逐漢涯飛。

堅白兄新居慶壽

紫苑青霞隱洞天，瑤臺雲閣襲群仙。從容尊
酒能消日，開落桃花不計年。繡幕圍春香馥
馥，玉簫吹月鶴翩翩。東風家慶頻為樂，敬罷
燈筵又壽筵。

送梁粵峰簿使携子往梧州軍門

一別十年今始見，片帆千里又南馳。班衣玉
節晴雲擁，遲日澄江畫舫移。海徼尚聞飛羽
檄，酒杯莫惜照花枝。蒼梧回首家庭近，蘭桂
芬芳正及時。

送陳憲副之福建

豸使春行餞薛樓，短簫橫笛動離愁。城邊雨
過花俱發，江上松深鶴自留。滄海瘴消烏府
日，碧桃香度武夷舟。三山回首蓬萊近，秉鉞

東坡集卷五
五卷
二
一
還應侍

冕旒

登城庚子二月念一也

清明雨後牡丹開晴日城頭車馬來不上綵
舟遊別浦故携春茗坐高臺流雲羽蓋烟花
擁返照松門鼓角催信步歸途仍北望獨慚
無補更徘徊

賞花

姚魏名家色久空眼前獨數壽安紅金杯歛

艷搖雙朶玉珮玲瓏近一叢看到暮春開已
盛醉留深夜意還同明時好訂松堂約一度
花開一度逢

送丁汝塘都閩

將軍躍馬春日晴錦衣玉帶臨花明入門一
見共傾到執手劇論如平生旌旗千里列淮
海樓船萬隻橫江城酒酣撫劍發長笑壯哉
不負嫖姚名

賞花次韻答第既白

東坡集 卷五
三
一
小園春霽杜鵑紅尊酒邀賓興不空笑語坐
移鞦外月舞衣香度竹間風菲才自覺慳長
句海量誰拚罰巨觥更問湖東詩社裏年來
道義幾人同

次兄白賁雲岷南山賞芍藥韻二首

南山憶昔開晴日乘興三人到菊叢曲徑別
來秋幾度好花今復向誰濃淹留白日非觥
酒妬盡紅芳獨恨風寄語相知莫惆悵歲寒
心事許還同

笙歌不入芝蘭徑蜂蝶常喧桃李叢水阻薄
雲香自遠春圍芳席色偏濃繁華過眼花間
露道德薰心草上風媿我年來踈懶甚更無
片善與人同

九日寶香亭賞桂聞西北有警

層臺九日對晴芳淺酌豪吟逸興長萬里傷
懷戎馬地百年真樂水雲鄉舞迴衣蕩山花
落坐晚尊留竹日涼小折桂枝聊當菊盈杯
金粟更多香

送柯主政赴南戶部

皂蓋經冬入

帝鄉暖雲晴日蕩湖光芙蓉夾岬晴牽纜
登臺書舉觴惆悵並瞻廬嶽近翱翔獨憶海
天長行看國計籌能足勲業應知著

廟廊

送象岑兵備之雲南

澤國鳴笳憲節行霜花晴照繡衣明停雲落
日三江別錦水滇山萬里情滕閣晚開愁對

酒殊方春入好無程美才到處人欽服諫議
元來有令名

答斗槎

梅花江上送行舟雨急行舟翻為留萬壑陰
雲霾虎豹三洲寒水泛鳧鷖天涯歲晚憐遊
子郭外誰還擁敝裘不是先生歸意切由來
高士傲王侯

忠良顯德坊扁落成感

恩志喜

十年謬荷維城責此日重霑
華袞褒

寶訓載同金石固

玉音懸並日星高

中興有道超千古素食無裨已二毛俯仰雲天
增感媿不勝風露洒宮袍

和弟栢岵韻

春動雲韶想玉京萬花亭館競新晴風迴座
幕竒香撲日遶衣龍瑞色明喜聽簪篋成雅

會坐觀觚翰總文英芳筵憶昨初開處漏盡
還留見意誠

夏桂洲閣老考滿

慶際雲龍世運昌天生碩輔豈尋常乾坤道
合

中興盛

社稷功施

聖澤洋秩晉恭階隣

御座坊題柱國煥華章鳳毛會見膺殊報接武

東坡集 卷五
青霄繼寵光

蘇舜澤過松隱堂言別

雙旌晚過松堂霽三載論情此日深錦瑟霜
花繁對酒丹青紅日共懸心分藩自惜就國
遠總制還瞻玉節臨叢桂幾迴勞大雅朱絃
頻拂愧知音

送應容庵方伯之雲南

雪霽野亭梅柳淨鼓喧江廓使車行獨憐遠
道携琴鶴且喜明時罷甲兵金馬碧雞供勝

覽西山南浦繫離情雙旌去去滇藩近春滿
甘棠好寄聲

奉懷桂洲閣老

紫府仙翁住碧山四時花木映朱顏樓涵寶
澤星辰上堂啓嘉忠水石間玉燕喜聞呈瑞
兆金丹行見濟時艱春江幾度瞻台斗雲樹
千尋未易攀

賞山茶無謝兄雲崖

南山宮粉散晴香移入西園壓衆芳照日自

東坡全集 一五卷
驚丹萼卓傲霜猶見碧枝長頻來小酌情非
淺深對寒宵興欲狂從此幽齋多勝賞竹屏
梅檻有輝光

甲辰正月十三日同三司觀燈喜晴

連陰梅館寒仍冱客散燈筵月偶明瑤瑟錦
屏紛爛熳星樓火樹並崢嶸遲迴綵仗乘春
暖醉擁雲韶徹夜鳴共羨春光動晴日况多
擄藻頌昇平

元宵遇雨有感

春城燈市雨催殘坐擁青綾醉愈寒不見檻
前移火樹虛疑雲裏轉金盤陰晴故態難深
較杯酒幽懷且自寬莫怪草堂今夜寂時和
猶喜萬民安

答周壁山主政見過次韻

星槎春泛碧江隈縹緲真從霄漢來幽徑偶
傾千里蓋晴尊深對百花開丹書玉節
朝廷重錦字雲笺澤國杖顧幾迴聞雅論憂
時心切見宏才

東坡集 卷五
對牡丹次壁山韻

林軒積雨綠成陰
看到名葩意轉深
枝躡並頭分碧玉
蕊攢千葉噴黃金
流鶯語燕催春色
晴日明霞動賞心
欲把瑤琴對尊酒
獨憐花下少知音

喜雨次栢崖韻

民力方疲土復焦
敢將愚悃格丹青
一緘縹緲凡文切
千里滂沱生意饒
涸轍頓蘇聞急溜
稿禾徐起見青苗
憂時况有賢

民牧還為寬蘇報

聖朝

次第桂泉韻

聽雨池頭曉聚仙
綵舟新水蕩雲天
波迴淨綠亭涵玉
草綴飄紅花覆毡
劇飲聞歌時可樂
憂時得雨意還虔
素餐吾汝真何補
小酌惟知慶有年

次姪賓桂韻

霖雨如傾悅衆情
江山千里有餘清
雲迷赤

夏樂事集 一五卷 九
地花流影風過玄壇珮雜聲兩日滂沱真
帝力一時調燮果誰誠田疇既足民俱樂我亦
携尊醉水亭

送工部孫進士造

廟器北還

梅館驪歌促曉行霜花晴照玉杯明層樓縹
緲凍雲合遠水驅馳綵鷁輕奉使已廻江上
節過家還入海邊城
九重况切尊

親念早捧龍函慰
聖情

送龍南岡給事北上

雪後章江流不深綵舟乘興復遙臨迎人柳
色含春意蔽日雲光作晝陰

帝里關河憐遠入草堂尊酒喜重斟諫垣十載
承

恩重此日能忘國士心

次韻答龍南岡

喜報行看下

玉除春初况復此停車風塵遠道難為別梅柳
晴江可暫娛叢桂苦吟雙鬢短掖垣焚草寸
心紆憂時有論多經濟賈誼當年恐未如

次桂泉遊城韻

遊城日暮更登臺四顧山河眼底開江上夕
陽鴉噪去天涯春色燕嚙來新詞我亦經春
廢佳句誰同對景裁信是年來情况好連篇
頻寄見清才

和桂泉韻

名花正放滿春臺况喜吾家多俊才國色天
香今古重瑤篇錦句後先裁斑衣已慰萱堂
樂綵仗還期竹徑來明日池亭共吟賞一尊
聊對碧天開

見都司古松

宣威堂深松色寒怪枝覆道孤根盤樓臺忽
訝雙龍躍風雨常驚萬馬閑幾過曲欄聊自
賞對吟何日許重看凌虛况有亭亭勢好並

金符鎮將壇

重經薛樓次韻

絳節西迴此壯觀晴雲飛擁動懽顏樓開吉
旦衣冠集水抱層城日月閑千里江山來眼
底十年心事上眉端追思往跡情無限日暮
長吟更倚欄

暮春登城二首

覽勝憑高行復吟郊園綠暗已春深沿城霽
日收林霧隔岸新蒲下水禽廬嶽蓮峰渾渺

渺遐齡雲嶠自森森江山滿眼風塵色素食
閑遊總愧心

層閣晴開俯要津北沙南浦淨無塵偶來共
客看新漲不為尋芳醉暮春雲暗石門龍戲
水歌翻林屋鳥窺人凭欄不盡江山望回首
心猶繫

紫宸

西園遊二首

霽景波搖林宇明石屏松檻足幽情池亭敞

東坡全集 卷五
席花相映柳岬迴舟鶴故迎歌舞信非揚子
宅烟霞虛負兔園名琴尊暫得娛清暇傍水
穿雲次第行

客至携尊過草堂僻居長晝共徜徉亭虛日
轉松陰合舟汎風迴水氣涼驚槩鴈翻分碧
藻捲簾人醉倚紅粧清歌自與幽情愜薄暮
臨花更舉觴

同樵雲白賁飲西亭次韻

孤亭長日坐虛明冒暑携尊見雅情白石清

泉聊自慰短簫長笛故相迎酣歌况有憂時
論素食慚無報國名莫惜餘杯勸深夕月明
還放小舟行

與周密庵甘南塘西園汎舟

西園秋盡紅芙蓉斜日松門皂蓋過共汎水
雲仍小酌不妨魚鳥亦深歌瀟溪道重情元
曠甘茂才多政自和清興况同公暇日月明
重醉意如何

贈野鶴道人

不見仙翁已十秋，蒼梧北海幾淹留。
飄揚意氣飛雲跡，洒落襟懷野鶴儔。
煉就金丹還濟世，脫離苦海是迴頭。
相逢我亦蓬萊客，何日翺翔共汝遊。

九日病齒有感

玄圃臨池秋意深，紫霄樓閣倦登臨。
經旬伏枕還誰問，把酒看花強自斟。
好事淮南終遠去，憂時杜甫只長吟。
素餐我更憐多病，何日燒丹向碧岑。

和兄堅白九日見菊

去年風雨過重九，今日晴窓見菊花。
節後於人增賞興，園亭由此厭紛華。
遙空鴈度秋雲薄，曲水臺臨石徑斜。
誰復携尊醉層閣，凌虛我欲問仙家。

寄何古林

南行秋盡北風多，單舸乘時發棹歌。
已領聖恩歸海嶠，獨留孤跡壯山河。
浮雲細雨丹青遠，極浦流雲白日過。
悵望江鄉轉迢遞，一杯

何日共鳴珂

寄陳明水用韻

小苑春晴花正開
尋幽况喜故人来
清歌擬復臨池醉
畫舫忽聞乘漲回
翠壁丹泉懷勝景
雲篇錦字羨多才
斜陽遠道情無限
幾度携尊獨上臺

送熊五雲檢討還朝

仲春江國雨絲絲
別殿離筵敞獨遲
雲蕩碧光霑綺服
柳回青眼照金卮
頻瞻

北極情俱遠
共醉西園興亦奇
近道長安多瑞應
好賡詩賦獻

龍墀

侯三峰憲長仲春見過

使節傳呼過翠微
錦雲浮日動朱扉
笙歌款度松堂曉
花木晴分豸服輝
小酌坐深情自洽
僻居春暮會仍稀
重来莫惜池亭醉
劍珮行看近

袞衣

送何白坡運使之山東

彩鷁乘春度碧潯
琴書白日照離心
蓬萊劍珮衝星上
江漢鶯花對雨吟
道遠自慚虛錦席
論交况復有瑶音
仙踪暫向風塵別
重鎮還須祭戟臨

遊第松窓府山池

竹迳南迴此獨幽
仙居何必在丹丘
林虛市遠塵誼寂
雨過秋深爽氣浮
石洞傍松常住鶴
花亭環水別通舟
名園盡日淹歌舞
閑裏

携尊足勝遊

飲第怡雲府

西隣有約赴瓊筵
咫尺松陰小隊傳
綵結朱門人共羨
花簪白髮自堪憐
山歌未許酬文飲
海屋重勞擬壽篇
歌盡雅懷拚劇醉
何妨潦倒月中還

白賁府汎湖

江國孟冬初放晴
華居新敞會宗英
菊杯春色碧
樾應瑞日

恩光綺服迎重上綵舟留晚興旋呼綠酒見多情
蘭橈且自停冬淺還擬春波汎月明

生日

小春庭院列晴筵
歡聞思惘然父母劬
勞惟此日草茅因報定何年
千秋有限真誰到
五十無聞祇自憐
早遇明時叨

寵貺優游孰謂我非仙

見梅

仲冬風日如春暖
東樂軒前梅盛開
水面瑤

華雲影亂天涯
書信鴈聲迴
聞香佇目人千里
倚檻長吟酒一杯
莫道孤標自清絕
臨池猶得水仙陪

寄遠

玉樹隣雲不可攀
群仙空憶紫薇間
月明江漢開龍鏡
霜冷芙蓉醉鳳顏
道契擬同天地老
幽懷未許世情關
習池嘉會能相約
黃鶴時乘一往還

至後見雪用叔樵雲韻

東坡集 卷五
仲冬伏枕嚴寒日層閣鈞簾對雪時茗椀雅
宜歌世瑞江梅未許競春奇衝風白鳥鳴還
去背日黃柑凍欲垂况兆年豐吾預喜病中
猶自強裁詩

與晴谷飲用前韻

遠道忽過憐晚歲白頭相聚喜清時停杯話
舊情真切秉燭調歌樂自竒繞坐爐烟常裊
裊無風簾幙故垂垂梅開好醉春明館莫謾
云歸索贈詩

留晴谷次韻

秉燭重開小閣筵相忘共是酒中仙絃歌聒
耳非無益詩話投情信有緣迎臘柳條凝凍
雨含春梅蕊帶輕烟鄱湖莫憚頻來徃白首
還期到百年

賀兄白賁壽

南極騰輝北斗斜五雲呈彩應王家插霄廬
嶽符靈秀柱國喬松共歲華鳳閣熙熙春若
海仙盤壘繫棗如瓜明時際遇誠天與笑看

金枝又著花

元宵即事戊申

兀坐幽齋素幔垂
短檠寒對漏偏遲
屏花已禁庭間列
隣笛猶驚夜半吹
月暗鳳樓雲縹緲
泉鳴龍井玉參差
江城此夕多風雨
正是停歌罷宴時

送呂通判致仕

仙槎春杪汎晴湖
望入佳壚似畫圖
倦鳥啼殘芳草歇
浮雲飛盡碧山孤
真憐白日携琴

懶猶憶清宵坐
玉壺羨汝得歸翻
自樂明時何用混泥途

送李禹江主政北上用韻

梧苑芳筵敞暮晴
對花停酒聽啼鶯
深春遠道烟波渺
落日幽棲感慨生
滄浦清風牽錦纜
金臺長畫度瑤旌
御屏久羨才名註
瑣闥承恩在此行

舒勸齋別駕寓鐵柱宮

東坡先生集卷之二十一
暑路塵氛不可侵仙宮花木畫陰陰期傾皂
蓋須乘月渴想丹泉欲望霖福地一時留備
蹟筠城三載得群心携尊兩度勞相過慰我
松間意濁深

送喻晴江方伯考滿

薇垣文彩動星河雲裏仙槎縹緲過問俗濟
時須重鎮對花聯席擬高歌論文道合情難
畫為

國憂深髮欲皤玉節應知駐烏府

綸音行看下鑿坡



東樂軒詩集卷之六

至明管軍府事弋陽端惠王醒齋

五言絕句

李人行心月卷

心會無塵境月當午夜天湛然獨對處此意
自玄玄

張都閩瓜菜圖

舉世悅桃杏誰能咬菜根秋畦雖冷淡雨露
亦

天恩

松栢長春卷

江上有青山鬱鬱多松栢誰知種樹心獨愛
常春色

玉兔圖

海島月華盈光涵玉宇清此中有靈藥得者
可長生

菊萱圖

采采數枝秋亭亭傍蒼石招我溪上人共看

霜下色

觀瀾圖

石門濤正吼海嶠月初輝消長真何事乾坤
運化機

東塾卷

幽人不愛塵結廬在平麓日高何所聞一鳥
鳴喬木

望湖夜泊卷

浪花生遠浦雲影上孤城日暮依江看寒流

東坡集卷之二
帶雨聲

思靜卷

青山吼風木白雲飛故廬悠悠孝子心長日
與之俱

永思

渺渺山頭雲悠悠江上情江流去不返風木
空悲鳴

眠松

風度琴聲遠月移龍影斜道人斲正穩清夢

遠天涯

送汪斗槎

琴劍輝晴日征帆掛朔風殷勤一杯酒相送
郭門東

漫興五首

君在青山下我家滄海東相思阻秋水無計
採芙蓉

浩歌繞層城深院醉芳春對酒解長劍看花
倚玉人

身集卷之十一
一
疎竹凝寒雨危墻覆野花如何秋暮日來此
道人家

誰家年少子騎馬月中來折得一枝桂香風
滿玉臺

洪井通三峽青城帶五雲真仙遊洞府簫鼓
隔江聞

中秋十首

層臺倚叢桂清影落瑤觴湖上雲霞淨風前
羅綺香

涼宵萬籟寂澄空孤月明芙蓉溪水上獨照
美人行

山河群動息天地一塵無鳳吹飄丹壑仙人
坐玉壺

露下金罇冷天中寶月圓良夕莫辭醉回首
菊花殘

玉門臨塞險銅柱屹波寒此夜關河月征夫
洒淚看

瑤笙吹月下清興忽悠然彷彿乘鸞去洪崖

東坡全集 卷一
四
一
坐聽泉

振珮玄風上懷人紫禁中
凭闌天萬里清露洒高松

江湖仲秋候風露轉淒清
更憶瓊樓上高寒恐不勝

珠斗闌干近銅壺夜水殘
露華將月色浮動紫衣寒

登樓天欲暝觸景思無窮
西望諸陵樹微茫月露中

辛丑元夕觀燈十首

盛世宗藩樂良宵玉燭輝
南夷方納款

北闕正垂衣

萬井懽聲動千門瑞色開
中天飛寶鑑平地擁蓬萊

綵仗都門外遊人上苑中
金吾元不禁樂事與民同

燈火春城麗烟花水國淨
江藩千里外何日奉

宸遊

夕殿傳雲蓋春筵覆綺霞論文更多士摘藻
屬名家

禮樂遵玉制衣冠際盛時敢言耽宴樂聊爾
慶雍熙

火樹連星海天花散錦機鼓聲催爆竹驚起
赤蛟飛

南蠻來推髻西戎走黑河

聖皇縱神武四海盡謳歌

政暇群英集時和夕景嘉共來松院裏踏月
嗅梅花

漏催歌管急風蕩舞衣寒鮑老多新意相逢
一咲看

挽素梅

江石蟠根固冰霜見色真翠禽啼斷處空憶
夢中人

荆墩

芳徑蝶交集名園鶯恣啼誰云枳棘樹而非

東坡集卷一六
鸞鳳樓

送諸少白歸

明月滿松林徘徊見子心
泠泠江上琴聽者誰知音

楓溪

道人住溪頭楓林蔽書屋
一鶴日相隨落落無拘束

毛女圖

自識蓬萊路常穿虎豹叢
何年滄海上共爾

採芙蓉

四景圖

雲去山常靜春來鳥自喧
眼前多妙境何必問樵源

不見秦華蓮竒峰望杳然
風雨停舟處依稀似輞川

木落山空瘦霜清水色寒
遊人屢屢破壑誤作武夷看

六合凝真景千山絕鳥飛
五陵策笠了何處

覓漁磯

懷自潭子五首

春帆帶雨急野鳥啼花深不識辰陽路空懸
江漢心

湘流渺可涉廬嶽近堪登黃鶴知君有來時
欲借乘

九溪開錦帳三峽滾晴雷雲霧通銀漢星槎
日幾迴

星河浮遠漢鼓角動孤城仙舫經春入江花

帶咲迎

清風吹白鶴忽憶武陵裾晴日樵花下同誰
倒玉壺

洪泉二首

神斧鑿石竅清流瀉玄妙下有觀泉人倚松
發長嘯

晴雷隱其中玉龍走其下混混無停時於此
見造化

菊萱圖

涵壁池西頭數花開
早秋相看苦風雨誰說
解忘憂

七言絕句

雜興十八首

紫閣前頭雙鶴飛
玉簫吹徹晚雲低
仙家自是常春地
桃李花開無落時

洪崖之泉來自天
千秋萬古流涓涓
我曾臨流訪真仙
真仙飲我洪崖泉

竹徑斜通野水東
尋幽孤鶴下瑤空
不勝秋

意還飛去踏落巖花滿地紅

我愛清泉終日看
盈空飛作雪花寒
洪崖去國不多路
自是遊人到得難

草閣臨池竹徑開
水雲深處有蓬萊
重闕未許紅塵到天際
時看野鶴來

近來不飲神自清
昨日微醺便復醒
莫道人情不近酒
其如酒不近人情

花開春富我如貧
蝶老花殘我笑春
莫道春來花好看
看看花還憶種花人

愛養精神懶出關此心常共白雲閑
盈前紫牘真何事笑我年來學做官

佳木蔭池春午晴鳥鳴風細綠波平
晚來行到西闌曲開看茶藤待月生

虛明閣上瞻紅日碧海遙飛五色霞
中有仙人來獻壽笑騎玄鹿下清華

我家住在洪崖頭
郊屋幾間臨清流
春花秋月樂無極
黃金白壁還多憂

江國清宵興不孤
虛明閣子一塵無
梅華新

可詩人意幾度飄香到玉壺

君躍天馬登雲衢我懷白璧居秋廬
清宵耿耿五雲緲望之不及情何如

五陵公子黃金鞍揚揚躍馬遊長安
行將飛入五雲去折得天香下廣寒

鴛鴦車頭素絲長千縷萬縷盈秋霜
一朝染出五雲色織成紋綺登明堂

蓬萊之上有神仙五雲縹緲臨丹泉
我欲因之訪長年會看火裏開青蓮

東坡集卷一
帶雪寒梅玉一枝可人標格自清奇月明幾
度書窗靜影落松邊夜不知
落木寒江幾日程華陽空喜不勝情道人近
得舟如葉且放中流自在行

東溪

東溪春近雪初消翠竹紅梅景自饒
名問草堂誰是主高人今已立

清朝

墨梅

苑龍夜飲墨花池醉捲風雲春不知
未向九天承雨露且來上苑散珠璣

熊道人像

五色祥雲一鶴飛丹青偶此露玄機
道人悟得其中像萬里真風振羽衣

謝對溪送炭

珍重筠籠有許多雪中惠我意如何
小齋自覺春光滿凍筆從今不用呵

梁序班服勤堂卷

東坡集卷一
紅日中天海宇明白雲飛徹晚山晴人生欲
盡君親道忠孝由來在一誠

溪亭圖

草閣橋頭天地寬碧流溪下玉龍蟠道人莫
怪無知己松竹梅花共歲寒

詹畫士墨川卷

道人家卜東南盛十畝園亭竹萬竿時縱玉
龍翻碧海蒲川風雨墨花寒

寫扇勉子焜

新涼且喜入郊墟况遇

明時好讀書擬共鯢鵬同變化莫令牛馬誚襟

裾

雲亭

草亭誰結傍江城雲影波光上下明會得悠
悠千古意十年鹿夢一時醒

張大叅雲山圖

草堂獨倚澄江上幾度登臨清眼開簾捲八
窓雲漠漠望中霖雨九天來

寄對溪

南薰江頭孤鶴鳴
滕王閣下江水清
滄波渺渺飛鳴遠
望之不及徒傷情

倪主簿行樂卷

一溪李白與桃紅
共羨當時造化工
花落鳥啼春過眼
百年行樂此圖中

東巖

芙蓉江上碧雲端
巖壑巍然萬古看
幾度登臨望明月
露華時下紫衣寒

送王雙溪大朝

秋臨江浦琴書淨
天近華清雨露濃
玉節行看荷重寄
豸袍遙映五雲紅

送寒泉歸饒

共看霜菊好
懷開深夜呼
盧不計杯
明日相思隔湖水
寒雲臺上獨徘徊

月梅

雪裏孤標意味清
不隨紅葉競春晴
仙風喚醒羅浮夢
滿地花陰月正明

西湖卷

聞說西湖真妙境
畫船日日載笙歌
遊人今古知多少
都作繁華一夢過

送丁敬之會試

人龍久識情真切
風雨東軒喜見過
梅報早春消息近
鳳凰池上聽鳴珂

張別駕小亭

道人為愛松林好
結亭孤倚乾坤小
個中未許紅塵擾
春來日日聞啼鳥

蕉溪

溪頭小構讀書屋
繞屋芭蕉覆溪綠
幾畝風雨作高秋
夜夜寒窓瀉冰玉

月塘

碧漢無雲雙闕遙
桂華秋思動蘭橈
幽人自得灤西興
不夢危檣駕海濤

送宋中書

二月江南風雨多
仙舟渺渺泛春波
梅花欲贈人千里
獨倚層樓聽棹歌

東坡集卷之六
送鄒舉人歸雲中

南國烟花連遠樹層樓杯酒慰斯文曲江他
日留春宴笑倚東風看五雲

吳一舟往長沙訪李太守

獨泛秋江南下舟片雲流水思悠悠行看澤
國風塵淨紅日中天照海樓

海樓太守號

兄雲岬宴東庄次韻

細擘鮮蓮酒漫傾豐年人已樂秋成東庄風
雨催詩興簫鼓南山又月明

間樂卷

一榻青山終日卧此心應共白雲間重關不
閉人自少露下衣裳知鶴還

送常春子

渡水登山不厭頻青藜黃犢慣隨身等閑一
粒金丹子散作人間萬戶春

雲崖

芙蓉金削青天外日照稜層紫翠寒我欲訪
之不可及憑誰寫作畫圖看

東坡集卷之五
海山

跨鶴曾經天柱東
乾坤雙眼望來空
五雲高處看蓬島
一點青烟碧海中

齋居二首

齋居秋入晝陰陰
酷暑人間自不禁
適興信知仙境異
縱遊元是

帝恩深

小閣迴廊

帝座隣竹床
藤几淨無塵
夜深起舞青龍劍
引

得霜花入夢頻

楊叅政見過

雨雪江城作晚陰
喜瞻玉節慰情深
凭欄送盡南翔鴈
空撚霜花遶砌吟

康千戶卷

鐵騎三河夜
度寒曾隨一鼓破樓蘭
而今喜值烟塵淨
馬老兵疲將亦閑

敷山

萬壘烟霞擁畫屏
桃紅李白間松青
幽人自

東坡先生集 卷一
在春風裏獨與鶯花共醉醒

水湖卷

雪舞水流天地寒千霞萬碧總堪觀長江凍
合真如練一幅梅花無欲難

月宮卷

紫禁仙人不受招芝山鄱水共迢迢幾回明
月瓊樓夜靜倚芸窗吹玉簫

贈方儒士

羨子家傳學有源何堪海內事猶繁于今

聖主真堯舜好向 明廷上萬言

題仙子圖送毛愈憲

曾上洪崖幾度看蓬萊遙在五雲端一聲鐵
笛仙人下吹起松濤萬壑寒

斗槎疾中次韻慰答一首

昨向鈞函駐小車尚聞十帳數清吁仙家自
有長生術偶疾何勞藥石驅

鐵馬宵征不計程金釵醉擁總虛名道人獨
宿梅花帳香滿寒衾夢亦清

送九江景太守

廬山魏魏青精書玉女
吃吃不可招吾約
陔巖秀色期以永
太守觀春壽

春雪

仙子雲中簇曉霞
裁冰剪水競紛華
隨風吹落暖瑤片
故作江南滿樹花

雲溪圖

白雲一片數村松
山前溪流疊疊峰
松下有人溪上坐
聽泉吟詩興無窮

楊漳儀賓椿萱圖

千里雲山繫所思
百年菽水幾相迷
春深海上蟠桃熟
正是華堂戲綵時

玉兔圖

平原雨過淨氛埃
玉兔乘風躍草萊
寧使一株甘自守
莫營三窟起人猜

守恬府泛舟次壁間韻二首

皇祖大功垂宇宙
宗藩樂事建亭臺
時和已見家聲振
支茂還須德本培

東坡詩集 卷六
萬木陰陰一徑開湖光千頃接蓬萊月明簫
鼓中流下疑泛星槎窅漢回

玉湖仙子圖

仙人常住日華東雲重滄州碧海通天上蟠
桃今已孰何時携我醉壘峒

遊子歸杭

江國烟花秋可憐片帆斜日下晴川行看月
滿西湖曲又聽笙歌上畫船

沈醫官行

芙蓉江冷晝陰陰霜下躊躇見別心春近倚
樓仍北望杏林晴日五雲深

葉雲川歸

春來江上日多陰雪阻青山望轉深獨抱瑤
琴且歸去武夷林下有知音

竇薇泉主事四景

桃花洞口浮雲散放鶴亭前春夢過獨有紫
薇泉上月清光千古照山河

當年維擘佳廬開玉龍飛出真竒哉山中六

月見冰雪翻然愧我居塵埃
輝輝涼竹搖秋閣得得花驄度午溪入望行
臺江漢外一尊何日為君携
瓊林凍合江不深沙灘霜急風蕭森眼前多
少山陰客誰有孤舟雪夜行

謝弟友梅惠菊

草堂秋盡憐無菊仙苑分來意自深眼底漸
看霜色好抱琴還擬候知音

槐坡圖

縈翠一徑綠雲深近水堂虛白晝陰幾度看
書風露下滿床花子落黃金

賀宗室生子

山川歲晚來青鳥雨露春深長桂枝共喜珠
光呈玉牒行看文彩動書帷

北溪耕讀卷

誰卜幽居面面山紅塵門外不相關北溪昨
夜誼風雨把卷巡畦意自閑

賜教授施文明致仕歸雲南

飛馬深冬萬里行江城飛雪獨關情寒梅此
日臨軒折重爾為官去就明

送張蒲山方伯

縹緲青霞擁翠樓瀾漫新水泛仙舟春江別
後蓬萊近飛步何時並我遊

紀夢 壬寅四月十一日

昔年飛夢到廬山縹緲烟霞不可攀今日承
恩臨絕頂天池任我弄潺湲

次弟友梅韻

幽棲自得真吾興曠迹還臨西復東欲上匡
廬望閭闔寸心遙切五雲重

暑中三首

虛堂受暑卧無聊起弄星河近午橋明月坐
低心愈渴碧蓮空憶大華遙

炎風蕩日火雲流竹徑荷軒暑氣浮安得九
臯雙白鶴與君同作五溪遊

避暑樓臺晝漏沉芰荷池洞荔蘿深瑤琴一
曲長松下不覺玄風吹素襟

午薰卷

草堂長日對深湖水
檻松窗似畫圖
但鼓瑤琴
招白鶴獨看彩鳳起
高梧

竹鶴圖

數竿脩竹蔭春城
玉色翻然帶露清
隔水信知仙苑近
風來時有鶴長鳴

蟠樞圖

瑤臺樓閣倚丹霄
碧海魚龍擁翠濤
五色雲中來鳳輦
九重天上獻蟠樞

夢遊廬山四首

廬山去國幾百里
縹緲之樓半空起
我來登樓不見山
笑拍闌干聽江雨

泉響空山月自輝
神遊巖穴不知歸
尋龍吸盡天池水
飛上蓬萊振紫衣

平生不見廬山面
五老緣何入夢頻
白鹿已通山下路
紫芝猶秘洞中春

洪崖曾與華陽別
臨岐贈我長生訣
何年跨鶴來山中
煮石燒丹卧明月

哭先雲岫十首

二十年前事可傷
泥途宵騎意難忘
由來忠義天多靳
空對西風洒淚行
紫雲樓閣望中遙
羽化仙人不可招
丹剛尚遺雙鶴在
月明猶自喚寒宵
可憐咲語久無聞
強對寒花坐夕暝
欲向丹厓尋舊約
南山如隔萬重雲
鳳鳥翩然入杳冥
其如豺虎日縱橫
蒼天於物真何意
獨立西風恨不平

去年惠我山茶樹
今日花開不忍看
把酒酌花愁轉劇
銀箏重設為誰彈

入門愁見素帷懸
絮酒含情奠几筵
一別九原呼不起
銘旌空對淚如泉

南山有菊萬叢金
每到花時約我臨
良會已徂盟尚在
歲寒空擬百年心

雲岫仙子住南山
學道無成髮欲斑
江國早傷埋玉日月
爐空有注顏丹

集翰堂前桂影殘
保恩樓下墨花寒
十年苦

好圖書在今日還誰掩淚看
滕閣鳴鑿跡已陳蘇堤烟柳幾經春
日同遊地石壁留題墨尚新

送葉南川大尹北行

棠樹清風被草萊雙鳧縹緲上金臺
暮雲春雨情無限不盡臨岐酒數杯

和蘇舜澤提學宮詞十首

禁柳風高綠漸稀輕寒昨夜襲羅衣
重門深鎖蓮塘淨只有流螢傍水飛

寂寞深宮十載過每聞天樂奈愁何
祗緣薄命承恩淺豈為傍人妬寵多

別院歌唇鬪舞腰千金不換可憐宵
樓頭一樣中秋月偏向長門照寂寥
何處秋聲落鴈群鎖闌終夜不堪聞
朝來自啓香奩看人比黃花瘦幾分

內館分經講席開承宣還候女師來
敎陳只好依章句新意纔生便見猜

歌舞當年頗擅聲傳宣侍宴夜遊行
浮言偶

東坡詩集 卷一
中同儕謗喜見君心似鑑明

憶自青年入漢宮
琵琶今始動重瞳
承恩不願纓綰賜
只乞龍光照妾容

長門歲月去如流
又見銀河會女牛
花落花開泮不管
祇憑雙淚送清秋

春信年年誤守宮
長楊垂綠護簾櫳
柔條却也堪攀折
自是無人到此中

侍宴遲回月滿身
鳳鞋行處不沾塵
雖無殊色超同輩
自許丹心奉一人

與王大尹賞蓮

蓮湖雨過絕纖塵
畫舫青尊曉泛頻
莫訝湖中風浪濶
看花元是濟川人

范東明兵憲海鶴蟠桃圖

千年海上蟠桃熟
萬里雲中白鶴來
我欲獻桃乘白鶴
與君長日醉蓬萊

陳西隅方伯壽圖

碧桃香滿玉壺春
瑤草金芝雨露新
長日仙翁無個事
笑尋詩酒樂天真

朱把總像

將軍春曉試宮袍
玉節金符照紫貂
況是國家無事日
從容尊俎侍清朝

趙推官詩意

南極仙翁住紫都
雲襟鶴髮照金符
還丹煉就渾無事
白日青天坐玉壺

戴指揮北行

細雨清江作勝遊
畫船簫鼓振中流
遙將錦纜牽長日
還看晴雲繞鳳樓

送東潭往廣信

子往仙岩我在山
却從天上視人間
相逢故舊如垂問
為道憂多鬢已斑

送王澶西大叅致政

畫舫輕移杖水濶
歸心得遂

恩深一杯共餞晴江上
白日青天照鶴琴

和夏桂洲閣老園景十四韻

白鷗園

仙園春泛狎群鷗
歌吹林塘白日留
愛客幾

迴花外棹思
若頻上水邊樓

八角塘

萬叢花竹照銀塘
長日笙歌聒醉鄉
媿我無緣近瑤席
每從星漢望仙航

蓬萊閣

綠野承

恩媿水石蒼生滿
眼困風塵欲求四海和平術
還待蓬萊閣上人

環漪亭

水心亭敞羨環漪
金碧流輝繞四堤
魚躍禽飛無限趣
闌干同倚定何時

水雲軒

仙子春居嵌水開
看雲常倚曲闌隈
縹緲簫吹起池頭
鶴彷彿飛瓊海上來

拱翠亭

靈山秀發畫屏橫
日照虛亭紫翠生
中有仙人乘白鹿
採芝常傍五雲行

賜閭堂

正禮曾勞慰

聖顏承

恩偶爾遂禁還林巒小樹古
宜樂祗恐明時未

放閑

宮恩莊

置庄事績紀

宮恩

御製龍章今並高
出位及桑麻滿園
即看蘭桂

長兒孫

晚節亭

飛夢曾登象麓堂十年迢
邇望門墻近知晚
節新亭上無限松筠
壓衆芳

明月榭

柳邊臺榭秋逾淨池上
烟花夜向深千里相
思共明月一杯何日
話同心

醉春臺

寶澤樓東敞玉臺春來
臺下百花開登臨剩

圖書館, NATIONAL CENTRAL LIBRARY, TAIWAN, R.O.C.

有看花興盡日笙歌送酒杯

望辰樓

飛樓獨立北瞻頻千里心馳向

紫宸待得

九天新雨露還看散作萬方春

濯纓處

柳外春波一鏡平
畫船來往照簷纓
源頭活水通仙境
流出桃花片片明

停橈處

明月^中盡臨八角塘
環漪亭立水中央
紅紫綠柳沿堤是
取次維舟謾舉觴

康進引禮詩卷

一體^中君臣今古同
由來忠義是英雄
憂時戀國三年意
都在臨風一卷中

答桂泉弟不赴飲

歲暮相邀意頗真
明時正好叙天倫
多才何事慳遊興
孤負梅華一度春

砥柱圖送戴東石大叅

東坡集卷之六 三九
中流浩蕩涵空碧砥柱嶙峋立海門自古東
南羨佳麗更留此石鎮乾坤

喻贈江方伯壽圖

蓬島雲濤碧海春仙翁長日會群真蟠桃豈
只為君壽更有金丹濟萬民

夏璋教授南山卷

白石清泉映日光巖花澗草帶幽香山中更
有梧桐樹還看高枝起鳳凰

孔縣丞勸農

江南二月春熙熙水滿方洲花滿枝獨羨勸
農還載酒與民同樂太平時

戴氏梅庄冊

池館深冬百卉殘梅花雪裏不知寒將軍醉
後多清興踏碎瑤樓倚劍看

有感三首

錦衣歲月揮黃金玉宇秋高寒莫禁猛虎衝
城畫食人未見捕者誰留心

帝道遐昌天有感虹橋利涉德無加萬年川

嶽呈仙瑞十里蓮開五色花
昨日登堂天未曉燈前彷彿逢鮑老邂逅相
看一笑迴談諧未必皆稱巧

暮川卷

碧海龍吟風浪餘雲霞長日護仙居道人自
得閑中趣不是看花便看書

送鍾西泉

金陵佳麗羨東園花石高臺日見繁
別後有人問江國數株松映一書軒

永壽圖

千載瑤臺懸日月萬松金屋帶雲霞
眞仙煉就丹砂粒來獻芝城帝子家

第竹隱養素軒二首

綺閣瓊軒映萬花牙籤錦軸護明霞
王孫况有風流興詩酒悠然樂歲華

碧水丹山不費思竹床茶竈總相宜
黃庭讀罷香風散閑倚明窓旣紫芝

邀兄白賁弟怡雲賞山茶

小苑山茶開半殘，况多風雨欲留難。明朝有約池亭上，薄暮乘槎共醉看。

送張石川通政

海上仙人雲作衣，泥途不染自輝輝。其如細雨江心遠，空憶青天一鶴飛。

許副使鷹圖

翱翔忽渡海天遙，玉立中流暫聽潮。北極新秋風露淨，雲程萬里看扶搖。

詩文都司

白髮仙人居海東，靈文玄鶴每相從。笑看龍鼎金丹熟，好作蟠桃獻

九重

賞牡丹

江城二月牡丹開，遊人盡向城東走。主人愛客客愛花，為爾年年費詩酒。

胡博士壽意

玄鹿紫芝携上國，金丹玉簡動宸旒。蓬萊信有佳山水，常侍

東坡集卷之六
龍旌鳳翥遊

吳南溟仙子圖

紫極仙人冰雪姿笑携玄鹿下瑤池行看秋
近蟠桃熟還待蓬萊獻壽卮

兄雲岷馬紅梅卷

南山仙子煉成丹不點頑銅不注顏總作草
堂春萬斛夜深光照玉杯寒

梅山卷

喬木人家殊不俗結亭種梅對山麓梅花落

盡春雪消山色當肉翠可掬

戴指揮請題紫金牌花次韻

戰罷薰風帶雨開高枝贏得賞功牌當時桃
李俱凡品須信仙花別有胎

竹鶴圖

幽人種竹繞清湍白晝携琴倚鶴看莫道溪
頭足秋興瓊樓猶自憶高寒

野雲圖

出岫悠悠度萬松逐風携雨意從容還看五

東坡詩集 卷之六
色晴雲裏芝繞蓬萊駕六龍

松鶴圖

孤松千尺聳凌空
千葉金枝雨露濃
海上飛來雙白鶴
長鳴振羽月明中

桂花詩卷

盈盈萬斛黃金蕊
裂白裂紅尋碧玉
枝秋近月明
仙苑淨天香
和露滿龍墀

四月十七日東濠芙蓉花開

風雨江城四月秋
芙蓉花放繞池頭
誰云失

序炎涼異自是調元手段優

五老圖引禮章玉五十

偃蓋鬱然百尺松
群英相聚更相從
時人莫作尋常看
曾向當年建大功

洪崖偶作

深入仙源上翠微
天香縹緲龍衣羅
衣臨崖一咲長
松下驚起鳴泉百道飛

秦虹洲推官小景

海門日上金波淨
仙島風生玉樹凝
春近魚

龍應變化五雲高處看飛騰

送劉後峰給事

炎荒早見冰霜試直道還須

聖主知萬里歸來承

寵命好將民瘼對 丹墀

朱文公像與儀賓胡璉

匡山千尺俯江流全削芙蓉紫翠浮白鹿雲

泉增勝槩晦翁之後幾人遊

山中四首

我愛青山盡日留青山不盡古今遊山中却

也無多日妙境都憑兩眼收

滾滾紅塵擾不休暫來松下習清幽西山已

是真仙境何必樓船海上求

疊疊雲霞斷斷巖分明於此隔仙凡攀緣欲

覓金芝茹砥恐山靈笑我饒

忙裏看山靜處思塵心元與道心離何當謝

却黃麻日買個青牛自在騎

送上陽子歸四首

東坡詩集卷之六
上陽不是人明物頃刻真從海上來聞道羽
翔別有術何時約我向蓬萊

昨日長吟花下見相逢盡是春風面仙子他
年謁

至尊白衣笑上黃金殿

浪跡無拘過海涯浮名有分眼前花吾家世
受千鍾粟不及仙人一釣槎

湖上松陰一徑斜秋波晴日淨烟霞道人想
愛城東僻乘興還來看桂花

燕子來有感

世情原似春風蝶花落花開見得真惟有呢
喃梁上燕頻來不厭主人貧

讀文山集偶感三首

厓山星殞國危日柴市風寒身死時掩卷不
堪成大息令人無語淚頻揮

宋室傾頽曆數窮勤王百戰竟無功只今留
得遺編在一度相看一改容

秉得乾坤正氣身自能取義與成仁忠貞兩

東坡全集卷之六
字人間事幾個男兒認得真

渡江和楊漳儀賓韻

樓舫初發酒微醒
漾漾中流自在行
任我浩歌頻擊楫
忘機鷗鳥捻無聲

脩居偶感

營造忽然一月過
空憐不斷雨滂沱
祈晴已竭拳拳念
明日東風霽色多

東樂軒詩三十八首

建軒

擇地拓基建小軒
數椽質朴不須繁
誰知人境幽閒處
開徑今無市語諠

鑿池

鑿得方塘丈二寬
循墻環繞透玉欄
千碧波亦有春風動
何必臨淵羨巨瀾

闢徑

茅塞新除作路行
務期中直向光明
從今來往渾無碍
信步應如周道平

種竹

東坡集卷之二十七
種玉不須向別園還從此地植繁根東風切莫
輕吹折會見來年長子孫

栽梅

東築軒前兩樹梅旋於別圃撥將來丁寧童子
相看官應向春風次第開

植松

新葉方濃舊葉稀亭亭直與畫簷齊幾迴風雨
江城過彷彿虬龍窓外飛

堆山

自有湖山作画屏三峰突起向中亭信知造化
歸吾手成就何勞餒五丁

移石

平石天然削不成呼童移置向花陰幾迴小坐
無塵思一卷殘書五尺琴

放魚

買得鮮鱗帶雨來亭前方沼喜新開不須乞命
通幽夢此地應無釣餌灾

養鶴

獨憐羽性向來馴自食堦除不避人幾度月明
湖上夜碧紗窓外伴清吟

紙屏

呆魚環列小軒中坐卧防風頗有功別樣製來
輕素妙琉璃雲母總難同

茶鼎

吳山誰鑄紫金鑪豕腹龍頭巧琢成幾度詩疲
將煮茗窓間時有翠濤驚

砌垣

小墻穩砌半檐齊十丈周廻東至西矮矮不須
高過竹恐妨鸞鳳日來棲

匣劍

昨夜寒光逼斗牛半天飛下一蛟螭等閑未許
開長匣只恐潛驚鬼魅愁

囊琴

何事絲桐久未彈錦囊獨掛小窓間只今江上
知音遠流水高山不復攀

儲書

獨愛葳書建小樓了無塵事日休休等閒不必
尋師友滿架牙籤自可求

洗硯

碧桃溪上碧雲連丹桂池中丹井泉洗墨莫教
臨鐵柱恐驚水底老龍眠

焚香

綵陰深處一塵無栢子香燒蒲玉壺班竹簾垂
風不動雲烟常繞博山爐

掃地

晚來滿地落花多掃盡殘添奈若何童子不知
春意思猶將筠筍擊林柯

灌花

養花須用惜花心愛護無如灌溉勤好體上天
均雨露分畦不必較蘊薰

蝶

無奈春風花木香惹來蛺蝶向人忙翩翩盡日
繁華裏清夢何曾到草堂

鵲

東坡先生集 卷之五
春風吹動碧桃枝時有清香落硯池山鵲多情
來復去嘈嘈向我似催詩

辨別

古人點意妙通神今人用意失其眼底若將
圖繪辨虛松風竹絲無倫

評碁

進退須知有疾遲輸贏一着實堪思幾迴敗處
翻能救立句還防勝棄危

引泉

樓前湖水別分支半蔭花園半蔭池從此困鱗
與枯卉悠然茂對向芳時

投壺

賓主交歡禮數嚴雅宜壺矢樂尊前相看勝負
尋常事杯酒何勞爭後先

對酌

花前尊酒且同歌萬事無如一醉過莫羨紛然
紅與紫春風幾度綠陰多

獨坐

梨花飛雪掩重闌人境蕭然意自閑坐向蒲團
無俗夢捲簾終日對西山

竹几

誰取湘山碧玉竿製成文几若龍蟠非闕朝夕
常憑倚愛爾虛心耐歲寒

蒲石

如拳恠石獨稜崢淺淡天成一種青踏遍湖山
無覓處獨將供玩可人情

麈尾

竹柄棕梢朴且便何須獅尾與龍鬚曾將一拂
炎氛裏掃盡人間塵俗緣

砧杵

白石橋邊月色明誰家雙杵弄秋聲不知幽思
今多少深夜丁丁獨愴情

界尺

獨憐玉尺性攸良矩度稜稜未有雙正且雅宜
資利器行蹤到處萬斜降

魚鼓

曾伴真仙度海門當年高調至今存行藏只在
茅菴下不與笙簧一局喧

翫月

欄干徙倚夜深沉寂寂風聲露滿襟千里有懷
思獨遠不知明月到天心

汲井

百尺長絲轉轆轤梧桐陰裏笑相呼銀瓶汲得
寒泉水旋煮龍團破悶無

書燈

不向華筵照酒卮小窓深處影離離幾迴風雨
侵寒夜賴有輝光燭禁墀

筠笛

柯館曾誇碧玉枝只今三弄少人知何時持向
蓬瀛去鶴背乘風月下吹

東樂軒詩集卷之六終

先王詩刻訖工不肖方集荼蓼忍有言哉嗚呼君子之於其先也猶將思其居處笑語髣髴乎羨墻之見矧詩也又何敢廢歟先

王奉

命總視藩政蓋三十年嘗於燕居締思操觚宣之聲詩遇有意興輒不屬草以是逸者尚多今所存凡七百餘首春三月乃請于先

王編次分爲六卷題曰東樂軒詩集嗚呼先王端厚和平克謹侯度觀省之餘君子固得

其心志焉若夫含咀藝苑之華以鳴
國家之盛鉅哲之門必有評之者矣不肖又曷
忍言哉

嘉靖三十年冬十一月朔

孤子多規如哀謹書

